

**KALAALLIT NUNAANNI**

**AKILERAARUTISSAT**

**ILANNGAATIGINEQARNERAT**

Namminersorlutik Oqartussat - Akileraartarnermut Aqutsisoqarfik

Januar 2023

## **Aallaqqaasiut**

Ilitsersuutip matuma sulisitsisut allallu akileraarutinik A-nik unerartitsisussat, aningaasarsianik A-nik aningaasarsisitsinermi akileraarutinillu A-nik aamma SA (sulisoqarermut akitsuut) unerartitsinermi maleruagassanik paasissutissippai. Ilitsersuummi pineqarput maleruagassat 1. januar 2023-mi atuuttut.

Ilitsersuummut matumunnga tapiliussatut naqitamik immikkut peqarpoq "Kalaallit Nunaanni akileraarutissat ilanngaatigineqarnerat - tapiliusseq", tassanilu aningaasarsiat aningaasarsianut A-nut, B-nut kiisalu akileraaruteqaataasussaannngitsunut immikkoortiterlugit takussutissiorneqarsimapput. Taanna Akileraartarnermut Aqutsisoqarfiup nittartagaani [www.aka.gl](http://www.aka.gl)-imi aaneqarsinnaavoq.

Annertunerusumik paasisaqarusukkuit tikilluaqquneqarputit Akileraartarnermut Aqutsisoqarfimmut, Sulisitsisut Nalunaarsorsimaffiannut imaluunniit Akiliisitsiniartarfimmut ilanngaartuussinerit pillugit saaffiginninnissannut:

### **Akileraartarnermut Aqutsisoqarfik**

Postboks 1605  
3900 Nuuk

### **Sulisitsisut Nalunaarsorsimaffiat**

Telefon nr.: (+299)34 60 81  
Telefax nr.: (+299)34 65 77  
E-mail: [sulinal@nanoq.gl](mailto:sulinal@nanoq.gl)  
Nittartagaq: [www.aka.gl](http://www.aka.gl)  
WEB-ikkut nalunaaruteqarneq: <https://sulinal.nanoq.gl>  
Akiliutinut/akiitsunut takussutissiaq: <https://sullissivik.gl>

### **Akiliisitsiniartarfik**

Telefon nr.: (+299) 34 55 03  
Email: [Inddrivelsen@nanoq.gl](mailto:Inddrivelsen@nanoq.gl)

## IMARISAI

1. Pingaernerit pillugit takusassiaq.
2. Aningaasarsiat A-t suuppat?
3. Akileraarutit A-t ilanngaatigineqartussat naatsorsorneqartarnerat.
4. Akileraarutit A-t aamma sulisoqarnermut akitsuut pillugit nassuiaat sukumiisoq akilerneqarnerilu.
5. Akissarsiat allagartaat ukiumoortut aamma akissarsiarititanut nalunaarut ukiumoortoq.
6. Aningaasarsiat A-t, akileraarutit A-t aamma sulisoqarnermut akitsuut pillugit naatsorsuutit.
7. Sulisitsisut Nalunaarsorsimaffiannut nalunaarneq.
8. Sulisitsisunik nakkutilliineq.
9. Sulisitsisup akisussaaffia, akiliinissamut akisussaatitaanera pillarneqarsinnaaneralu.
10. Assersuutit akeqanngitsumik atugaqartitaaneq
11. Nuna allamiit sulisunik attartorneq

Ilanng. 1. Naatsorsuinermit assersuutit.

Ilanng. 2. Nassuiaatip sukumiisup A1-ip immersornissaanut assersuut

# 1. Pingaarnerit suuneri

## **Kikkut unerartitsisussaataappat?**

Akilaraarutininik A-nik unerartitsisussatut pisussaavoq kinaluunniit Kalaallit Nunaanni najugaqartoq nammineq akilerlugu aningaasarsianik A-nik aningaasarsisitsisartoq. Takuuk Akileraartarnermut inatsit § 76, imm. 1.

Akilaraarutininik A-nik unerartitsinissamut pisussaapput sulisitsisut tamarmik, tassa ataasiinnarmik sulisoqarnera imaluunniit ilaannikkuinnaq ikiortimik aningaasarsisitsisarnera apeqqutaatinnagu.

## **Aningaasarsiat A-t**

Aningaasarsiat A-t amerlanertigut tassaapput aningaasarsiat tapinik sunik tamanik ilallit aamma akeqanngitsumik ajunngitsorsiat sulisitsisup sulisitaminut (aningaasarsiortumut) aningaasarsiaritai. Aningaasarsiat allat aamma aningaasarsia-tut A-tut isigineqarlutik ilaatinneqartarput, soorlu siulersuisunut ilaasortaanermi akissarsiat, soraarnerussutisiat aamma aningaasat utaqqiisit, nipilersortartutut akissarsiat, freelancetut nutserisartutut akissarsiat il.il., tak. akileraartarnermut inatsimmi § 75 kiisalu tassunga tunngatillugu aningaasarsiat akilaraarutit aamma sulisoqarnermut akitsuutip akilerneqartarneri pillugit Namminersorlutik Oqartussat nalunaarutaat nr. 10, 20. September 2011-meersoq. aammalu Aningaasarsianit akilaraarutit pillugit Inatsisartut inatsisaata allangortinneqarneranik Inatsisartut inatsisaat nr. 11, 1. December 2021-imersoq.

## **Piffissaq unerartitsivik/ilanngaassiffik**

Akilaraarutininik ilanngaaneq pissaaq aningaasarsiat A-t tunniunneqarneranni. Taamaattorli feeriarnersiutinut qaammammullu siumoortumik akissarsialinnut allanik maleruagassaqqarpoq – immikkoortumi allami takukkit allaaserineqarneri.

## **Sulisitsisup pisussaaffii**

Sulisitsisut allallu unerartitsisussaataasut makku isumagissavaat:

- Akileraartarnermut Aqutsisoqarfimmi Sulisitsisut Nalunaarsorsimaffiannut nalunaassapput,
- aningaasarsiortut skattekortii pissarsiarissallugit paasissutissallu skattekortini allassimasut allattorlugit,
- aningaasarsianik A-nik aningaasarsisitsinerit tamaasa akilaraarutininut ilanngaattissat naatsorsortarlugit,
- Maleruagassat immikkut ittut tunngavigalugit feeriarnersiutissat katersat akilaraarutininut ilanngaattissaat naatsorsorlugit,
- aningaasarsisitsinerit tamaasa aningaasarsiat A-t aamma akilaraarutit A-t naatsorsorneqarfiannik aningaasarsiortumut tunniussisarnissaq,
- qaammatip siuliani aningaasarsiat A-t, akilaraarutit A-t aammalu kiisalu sulisoqarnermut akitsuut pillugit nassuiaammik sukumiisumik qaammatit tamaasa nassiussisarnissaq,
- qaammatip siuliani akilaraarutit A-t unerartitat kiisalu sulisoqarnermut akitsuut qaammatit tamaasa akilertarnissaat,
- qaammatisiutit malillugit ukiut naaneri tamaasa sulisorisat ukiup ingerlanerani aningaasarsianik A-nik akissarsiaat aamma akilaraarutininut A-nut akilaraarutaat tamarmiusut pillugit

akissarsiat allagartaannik ukiumoortunik (A11-nik) nassiussinissaq. Aammattaaq akissarsiat allagartaanni nalunaarneqassapput sulisorisap soraarnerussutisiaqarnissamik imaluunniit inuunermut sillimmasiinermt aaqqissuussinernut ilaaffigisaanut sulisitsisup akiliutai, kiisalu akeqanngitsumik tamakkiisumik ilaannakortumilluunniit ajunngitsorsiaasimasut, soorlu nerisaqarlunilu ineqarneq, illoqarneq, najugaqarneq, angalaneq, biileqarneq aamma telephone-qarneq il.il. Sulisitsisunut nalunaarsuiffik aningaasarsiorlorlu tamaasa ataatsimik nassinneqassapput.

- akissarsiat allagartaannut ukiumoortunut ilanngullugu nassiunneqassaaq akissarsiarititanut nalunaarut ukiumoortoq (A10) suliffeqarfiup aningaasarsianik A-nik akissarsiaritissimasaasa aamma akileraarutitut A-nut unerartissimasaasa ajunngitsorsiaqarsimaneranut uppernar-sarlugu kiisalu akissarsianik il.il. aningaasarsiat B-usunik imaqartoq. Kisitsisit allanqartut akissarsiat allagartaanni ukiumoortuni ilanngunneqartuni kisitsisit katinneri kiisalu ukiup ingerlanerani nassuiaatit sukumiisut nasiunneqarsi-masuni kisitsisit katinneri assigissavaat.

## 2. Aningaasarsiat A-t suuppat?

Sulinermt akissarsianik il.il. (aningaasarsianik A-nik) aningaasarsisitsinerit tamaasa akissarsiasanit akileraarutit A-t naatsorsorneqartassapput. Akileraarutit A-t "0"-imik amerlassuseqarsinnaapput, taamaattorli akissarsiat tunniunneqartut aningaasarsiatut A-tut suliarineqassapput.

Akileraarutitik A-nik ilanngaaneq unerartitsisussaaitamit isumagineqassaaq. Taanna tassaavoq aningaasarsianik il.il. akiliuteqartoq (sulisitsisoq taassumaluunniit piginnaatitaa).

Aningaasarsiat A-t tassaapput suliffeqarnermt (atorfinitisitaanermut) atatillugu sulinermt inuup aningaasarsiai akissarsiaalu aningaasanngorlugit - tassa imaappoq *aningaasarsiat tapinik sunik tamanik ilallit*. Taamaattullu ajunngitsorsiat ilanngullugit. Nioqqutissat aamma pissarsiat aningaasaanngitsut nalingi aningaasarsiatut A-tut isigineqanngil-lat. Takuuk Akileraartarnermt inatsit § 75, imm. 1, nr. 1.

- siulersuisuni, ataatsimiititani, kommissionini, siunnersuisoqatigiinni assigisaanniluunniit ilaasortatut ikiortitulluunniit akissarsiat. Takuuk Akileraartarnermt inatsit § 75, imm. 1, nr. 2.
- aningaasarsiat allat (soraarnerussutisiat, aningaasat utaqqiisit, pisortanit pensionit tunngaviusut, naartunermi meerartaarnermt meeravissartaarnermtulu sulinnigiffeqarnermt ullormusi-at, aningaasarsianut annaasanut imaluunniit suliffissaagaluanut annaasanut taartisiat, namminersuutigalugu tusarnaartitsisartutut, isiginnaartitsisartutut, nipilersortartutut, atuakki-ortutut, allatullu eqqumiitsuliortutut, timersortartutut, allaaserinnittartutut, dommeritut, eqqartuusseqataasutut, illersuisutut, namminersorluni nutserisutut ingerlatsinermt (freelance) akissarsiat aammalu tunisinermt isertitat il.il.), nalunaarusiaq nr. 10, 20. september 2011-meersoq.
- Aningaasarsisiteriaatsip qanoq iluseqarnera (aningaasarsiat aalajangersimasuuneri nikerartuuneri-luunniit) apeqqutaanngilaq. Taamaattumik soorlu sillimmasiisarfinni tuniniaasut il.il. provisionisiaat aningaasarsiaapput A-t.

## **Suliffeqarnermi/atorfeqarnermi pissutsit**

Suliffeqarnermi/atorfeqarnermi pissutsit ilaatigut ilisarnaatigaat, aningaasarsianik pissarsisartoq suliaqartarmat sulisitsisup unnersuussutai malillugit aamma taassuma akiligaanik.

Akerlianik namminersorluni suliffeqarfiuteqarnerup ilisarnaatigaa nammineq akiligassatut akissusaaffigisassatullu, sinneqartooruteqarnissaq anguniarlugu aningaasarsiummik suliffiuteqarneq.

Matumani apeqqutaanngilaq akissarsiaq aningaasanik pissarsisup pingaarnertut saniatigooraluguluunniit isertitarineraa, imaluunniit akileraarutinut B-nut akiliuteqaataasunik allanik isertitaqarner-soq.

Pisariaqanngilaq aalajangersimasumik atorfeqartoqarnissaa. Suliffeqarneq sivikitsuinnaagaluarpaluunniit aningaasarsiat aamma A-jussapput - soorlu assersuutigalugu aningaasarsiortoq ullormi ataasiinnarmi sivikinnerusumiluunniit sulisinneqarsimappat. Aamma taamaappoq aalisartoq aallarnermi ataatsimi ikiorteqarsimappat. Akissarsiap annertussusaa matumani apeqqutaanngilaq.

Aningaasarsiat suliffeqarnikkut aningaasarsiat A-juneri imaluunniit namminersorluni suliffiuteqarnikkut aningaasarsiat B-uneri nalornissutigineqarpata, aalajangiinermi tunngavigineqassaaq sulinerup ataatsimut isigalugu suunera. Matumani ilaatigut pingaartinneqassaaq aningaasarsisitsisup suliamik siulersuisinnaanera agguataarisinnaaneralu, matumani ilaalluni suliamik nakkutilliisinnaanera aammalu suliarinissaanut ilitersuisinnaanera.

Nalornissuteqartoqartillugu Akileraartarnermut Aqutsisoqarfimmut, Sulisitsisut Nalunaarsorsimaffiannut apeqquilliisoqartariaqarpoq. Takuuk Akileraartarnermut inatsit § 75, imm. 5.

## **Aningaasarsianut tapit aamma immikkut akissarsiaritit**

Nalinginnaasumik aningaasarsianut tapit allanullu immikkut akissarsiaritit, suliffeqarnermi akissarsianut ilaatinneqartussatut assersuutigineqarsinnaapput:

- feeriarner-siutit,
- qaangiuttoornermi, piffissap suliffiup allanngorartuunerani, sapaammi sulinermi, unnuakkut sulinermi assigisaannilu akissarsiat,
- akkord-terluni sulinermi akissarsiat, akissarsiat immikkut ittut kiisalu oqaatsit pillugit tapit, formanditut tapisiat aamma pisinnaasat naapertorlugit tapit,
- provisionisiat, iluanaarutinit kajumissaatitut tapisiat, nalliuttorsiornermut atasumik akissarsiat, agguagarsiat assigisaallu,
- immikkut tapisiat imaluunniit nalliuttorsiornermi (nalliuttorsiornermulli atasumik akissarsiat atorfillit maleruagassaat malillugit tunniunneqartut ilaanngillat), soraarnermi, napparsimanermi ilaqutariinnilu pingaartorsiortoqartillugu tunissutisiat,
- tapit aningaasanngorlugit tunniussat tamarmik (ineqarnermut, biileqarnermut il.il. tapisiat) aningaasarsiaapput A-t.
- Akeqanngitsumik ajunngitsorsiat

Ataatsimut isigalugit oqartoqarsinnaavoq aningaasat sulisitsisup aningaasarsiortup sulineranut akiliutai tamarmik aningaasarsiaapput A-t. Takuuk Akileraartarnermut inatsit § 75.

## **Immikkut ittumik aningaasarsiarititat aningaasarsiat A-jusut**

Immikkut ittumik aningaasarsiarititat aammattaaq aningaasarsiat A-jusut makku taaneqarsinnaapput:

- Aalisartup procentisilluni akissarsiai aamma agguagarsiai

tassaapput aalisartup (angallammik piginnittup imaluunniit attartortup) aallarnerit tamaasa tunisanit isertitami ilaannit ikiortini procentisillugit akissarsisikkaangagit. Aamma taamaappoq kingusinnerusukkut agguagarsiassanik tunniussisoqassatillugu.

- Aningaasarsiortoq sullitanit akiliiffigineqaraangat

Tassaavoq aningaasarsiortoq sulisitsisuni sinnerlugu sullitanit assigisaannillu akiliiffigineqaraangat, aningaasallu ilaat nammineq akissarsiassamisut tigungmiinnarlugit. Tamanna soorlu taxanik ingerlatitsisunit atorpeqarpoq, naak tamanna "attartornertut" isikkoqaraluartoq.

- Sunngiffimmi suliffeqarneq

Soorlu assersuutigalugu allaffimmiup sunngiffimmini namminersortup naatsorsuutai, isumaqatigiissuteqarneq naapertorlugu aalajangersimasumik akilerneqarluni suliarigaangagit. Tamanna atuuppoq nalunaaquttap akunnermusiaqartitsisoqarpat imaluunniit qaammammut ukiumulluunniit aalajangersimasumik akissarsiaqartitsisoqarpat.

- Selskabini pisortat

Aktie- imaluunniit anpartsselskabimi pisortaq selskabimit akissarsigaangat. Tamanna atuuppoq akissarsiassat aalajangersimasumik annertussuseqanngikkaluarpataluunniit, aammalu pineqartup piginneqataassutit amerlanersaat pigigaluarpagilluunniit.

- Nipilersortartoqatigiit

Sutorniartarfiutilik imaluunniit peqatigiiffik nipilersortartoqatigiinni peqataasunut ataasiakkaanut akissarsisitsigaangat. Tamanna atuuppoq nipilersortartoqatigiit piffissami aalajangersimasumi imaluunniit unnummi ataasiinnarmi nipilersorsimagaluarpataluunniit, aamma akissarsiassat nipilersortartumut imaluunniit inummut allamut, selskabimut il.il. tunniunneqaraluarpataluunniit.

## **ATP-mut soraarnerussutisiaqarnissamillu aaqqissuussinernut assigisaanut akiliutit**

Aningaasarsiat ilaat, aningaasarsiortup ATP-mut aamma soraarnerussutisiaqalernissaq siunertaralugu aaqqissuussinernut allanut, *ingerlaavartumik tunniunneqarumaartussanut* aammalu naafferartumik akilersuilluni sillimmasiutitut akiliutit sivikinnerpaamik ukiuni qulini amerlaqatigiiaarlugit tunniunneqartarumaartussat akileraartarnermut inatsimmi § 39-mi 40-milu ilaatinneqartunut akiliutisaasut sulisitsisup unerartitai aningaasarsianut A-nut ilaatinneqassanngillat. Soraarnerussutisiaqalernissamut aaqqissuussinernut taamaattunut sulisitsisup akiliutai aamma ilanngunneqassanngillat.

Akiliutit tamakkiisut (anigaasarsiortup sulisitsisullu akiliutaat) akissarsiatut isigineqartussaangit-sut anigaasarsiortup anigaasarsiaasa tamakkiisut 20 procentiinit annerussanngillat.

Soraarnerussutisiaqalernissamut aaqqissuussinernut aamma inuunermut sillimmasiissutinut allanut, matumani ilaallutik sillimmasiinerit akit nikerarneri najoqqutaralugit iluarsineqartartut, ajunaarnis-samut sillimmasiinerit aammalu soraarnerussutisiaqalernissamut aaqqissuussinernut siuliani taak-kartorneqartunit allaanerusunut akilersuutit anigaasarsiat akileraaruteqaataasussat naatsorsornerini ilanngaatineqarsinnaanngillat. Aaqqissuussinernut sillimmasiinerimulluunniit akiliutit piginnittu-mit (anigaasarsiortumit) akilerneqaratik allamit (nalinginnaanerusumik sulisitsisumit) akilerneqar-pata, akiliutit piginnittup (anigaasarsiortup) anigaasarsiaanut A-nut akileraaruteqaataasussanut ilanngunneqassapput.

Aaqqissuussinernit ilanngaataasinnaagaluit danskit soraarnerussutisianik akileraarusiisarnermut inat-sisaanni § 53 A malillugu akileraarusigassanngortinneqarsimappata, taakku ilanngaatineqarsin-naanngillat, taamaammallu sulisitsisoq akileraarutinut A-nut ilanngaassissaaq.

### **Ullormusiat angalanermilu ajunngitsorsiat**

Pisortani sulineranut atatillugu angalanermi, najugaqarnermi nerisaqarnermilu anigaasartuuteqar-nerunermut matussuttissatut imaluunniit atorfillit pillugit maleruagassat malillugit ullormusiat angalanermilu ajunngitsorsiasat akileraaruteqaataasussaangillat, tak. akileraartarnermut inatsimmi § 34, imm. 1, nr. 8, taamaasillutillu anigaasarsianut A-nut ilaatinneqassanatik.

Tamatumani tunngavigineqartussatut piumasaavoq nalinginnaasumik *Kalaallit Nunaanni* najugarisaq qimassimagallarlugi allamiikkallarnissaq. Atorfillit pillugit maleruagassani annertussusiliineq sinnerlugu tunniussisoqarpat anigaasat anigaasarsiatut A-tut isigineqassapput.

### **Sulisitsisoq sinnerlugu akiliutit**

Anigaasat, anigaasarsiortup sulisitsisuni sinnerlugu akiliutigigallarsimasai matussuserniarlugit sulisitsisup anigaasarsiortumut immikkut tunniussai anigaasarsianut A-nut ilaatinneqassanngillat.

Anigaasarsiortulli nammineq oqarasuaataanut sulisitsisoq sinnerlugu matussuserniarlugit anigaasarsiatut A-tut isigineqassapput.

Aamma tamanna atuuppoq anigaasarsiortoq anigaasanik sulisitsisup anigaasartuutaanut matus-sutissanik tunineqarpat, soorlu assersuutigalugu anigaasarsiortup sulinerminut atatillugu angalane-rani (angallanneqarnermut, akunnittarfimmi najugaqarnermut, nerisaqarnermut il.il.). Taamaatto-qarnerani piumasaavoq anigaasarsiortup anigaasartuutigisimasani kingusinnerusukkut naatsor-suusiussagai.

Taamaattoqarneranik uppernarsaatitut sulisitsisup naatsorsuutaani ilaassapput bilagit assilisaannaan-gitsut.

### **Inuinnaat illumi ikiortaat**



Inuinnaat illumi kiffaminnut ikiortiminnullu allanut aningaasarsiarititaat aningaasarsiatut A-tut isigineqanngillat aningaasarsiat B-ullutilli. Tamannali aatsaat atuutissaaq ikiorti pineqartoq sulisitsisup illuinnaani sulisarp. Takuuk Nalunaarut nr. 10, 20. september 2011-meersoq § 8, imm. 2. Ikiortili sulisitsisup illuani aammalu taassuma - aapparisaataluunniit - suliffeqarfiutaani sulisarp, aningaasarsiat ilaat suliffeqarfiup ingerlatsinermi aningaasartuutaasut ilanngaatigineqarsinnaapput. Taamaattoqartillugu aningaasarsiat tamarmik aningaasarsiatut A-tut isigineqassapput.

### **Taarsigassarsiat**

Aningaasarsiasanit siumoorutit aningaasarsiatut A-tut isigineqassapput.

Akerlianilli sulisitsisup aningaasarsiortoq aningaasanik taarsigassarsisippagu taakku aningaasarsiat A-junngillat. Taamaattoqarpat taarsigassarsineq uppersarsarneqartariaqassaaq, soorlu assersuutigalugu akiitsoqarnermut uppersarsammik, soorluttaaq aningaasat taarsigassarsiaritit sulisitsisup aningaasarsiaritititut nalunaassanngikkai. Taarsigassarsiat aningaasarsianit ilanngaassuinnikkut akilersortinneqarpata tamanna akileraarutit naatsorsornerannut attuumassuteqanngilaq. Akileraarutit A-t naatsorsorneqarneranni aningaasarsiat tamarmiusut aallaavineqassapput.

### **Kiffartuussinermi kajumissaatissiisutit (drikkepengit)**

Kiffartuussinermi kajumissaatissiisutit aningaasarsiaapput B-t. Takuuk Nalunaarut nr. 10, 20. september 2011-meersoq § 8 imm. 1, taamatutaaq Akileraarutitut inatsip 74-ni, imm. 2-mi allassimasumi.

### **Meeqqat isertitaat**

Nammineq meerarisamut, meerassamut, meerarsiamut imaluunniit ernguttamut akissarsiaritit, meeraq qaammatisiutit malillugit ukiumi pineqartumi 1. januar suli 15-inik ukioqalersimanngippat, tak. akileraartarnermut inatsimmi § 5, stk. 3, namminersorluni inuussutissarsiummik ingerlataqartup aningaasarsiaasa akileraaruteqaataasussat naatsorsorneranni ilanngaatigineqarsinnaanngillat, taamatullu aamma akissarsiat meeqqap aningaasarsiaanut akileraaruteqaataasussanut ilaatinneqassanatik.

Taamaattumik nammineq meerarisap il.il. aningaasarsiai akileraarutitik ilanngarneqassanngillat. Tamannali atuutinngilaq suliffeqarfik selskabiuppat sulinerullu annertussusia uppersarsarneqarsinnaappat.

Allatigulli tamatigut meeqqat aningaasarsiaat aningaasarsiaapput A-t, aningaasarsiallu amerlassusaat apeqqutaatinnagit maleruagassat nalinginnaasut malillugit pineqassallutik. Takuuk Akileraartarnermut inatsit § 5, imm 1.

### **Aningaasarsiat A-t allat**

*Siulersuisuni ilaasortatut akissarsiat il.il.*

Siulersuisuni, ataatsimiititaliani, kommissionini, siunnersuisoqatigiinni assigisaanniluunniit ilaasortatut ikiortitulluunniit ajunngitsorsiat aningaasarsiaapput A-t. Takuuk Akileraartarnermut inatsit § 75 imm. 1 nr. 2.

Apeqqutaanngilaq aktie- imaluunniit anpartsselskabiunera, peqatigiiffiunera, namminersorluni imaluunniit pisortat pigisaattut ingerlatsiviunera imaluunniit pisortatigoortumik siunnersuisoqatigiuneri assingusuuneriluunniit. Aamma apeqqutaanngilaq suliaq inuussutissarsiutitut imaluunniit inuinnartut ingerlanneqarnerisooq, soorlu assersuutigalugu timersoqatigiiffiunersooq, piginneqatigiilluni iluuteqaqatigiit peqatigiiffiginaat imaluunniit inuk pineqartoq ataatsimeersuarnermi qinigaanersooq allatulluunniit toqqagaanersooq. Aammattaaq apeqqutaanngilaq nammineq kajumissuseq tunngavigalugu ilaasortaaneq imaluunniit suliaq soorlu assersuutigalugu innuttaaqataasutut suliaaqaartitaanermik pisussaaffiunersooq.

Tassa imaappoq peqatigiiffimmi siulittaasup, aningaaserisup imaluunniit siulersuisuni ilaasortap akissarsiai aningaasarsiaapput A-t. Tamanna aamma atuuppoq assersuutigalugu kommunalbestyrelsini ilaasortatut, siulersuisuunerni ilaasortatut, ataatsimiinnermi aallartitatut peqataasutut, ataatsimeersuarnermi ilaasutut akissarsianut, matumanilu ilaapput sulinermi isertitassaraluanut annaanut taartisiat. Aammattaaq suliffeqarfiup siulersuisuini ilaasortat sulisunit sinniisutut qinikkat akissarsiaat aningaasarsiaapput A-t.

Siulersuisunut, ataatsimiititalianut il.il. ikiortit akissarsiaat aamma tassaapput aningaasarsiat A-t, tassa atorfinitsinneqarsimannikkaluaraanniluunniit. Taamaattorli tunngavigineqartassaaq aalajangersimanerusumik attuumassuteqartoqarnera. Taamaattumik ilaannikkuinnaq ikiorteqarnermi, soorlu assersuutigalugu inatsisilerituumik kukkunersiuisumilluunniit, akissarsiarititat aningaasarsiat A-junngillat.

*Pensionisiat, aningaasat utaqqiisit assigisaallu akileraaruteqaataasussat*

*Soraarnerussutisiat*

Pensionisiat, aningaasat utaqqiisit assigisaallu akileraaruteqaataasussat siusinnerusukkut atorfigisimasamut attuumassutillit tassaapput aningaasarsiat A-t. Takuuk Namminersornerullutik oqartussat nalunaarutaat nr. 10, 20. september 2011-meersooq § 7 imm. 3.

Aamma ilaapput soraarnerussutisiaqarnissamut karsinit imaluunniit sillimmasiisarfinnit, atorfimmut attuumassuteqanngitsumik sillimmaserneqarnissamik isumaqatigiissuteqaataasimasooq naapertorlugu tunniunneqartut, tunniunneqartut makkuuppata:

- utoqqalinersiutit (inuunerup sinnerani tunniunneqartartussat)
- innarluuteqalernermi soraarnerussutisiat
- aapparisaq toqkukut qimagunnerani pisartakkat
- meeqqat toqkukut qimagaasut pisartagaat
- imaluunniit sillimmaseeriaatsit pineqartut akuleriissillugit pisartakkat.

Takuuk Namminersornerullutik oqartussat nalunaarutaat nr. 10, 20. september 2011-meersooq, § 7 imm. 5.

Soraarnerussutisiaqarnissamilli aaqqissuussinerit taagorneqartut arlaata atorunnaarsinneqarneratigut danskit soraarnerussutisianik akileraarusiisarnermut inatsisaanni kapitali 1 malillugu akileraartoqarsimappat, aningaasat tunniunneqartut aningaasarsiat A-jussanngillat. Takuuk Akileraarnermut inatsit § 44 imm. 5.



Aningaasat ukiumi, ukiup pisassarilerfiisa tulliani aatsaat tunniunneqarpata, aningaasarsiat A-t akileraarutillu A-t piffissamut tunniunneqarfiinut tunngatinneqassapput. Aningaasarsiat A-t aamma akileraarutit A-t akissarsiat allagartai il.il. atorlugit paasissutissiinermi ilaatinneqassapput ukiumi tunniussiffiusumi.

Aningaasarsisussaq akileraartussaajunnaarpat aningaasarsiat A-t, matumani ilaallutik akileraartussaajunnaarnek sioqqullugu akissarsiaqarluni feeriarnissamut katersat, kingusinnerpaamik akileraarusersorneqassapput piffissami akileraartussaajunnaarfimmi. Akileraarutit A-nik unerartitsineq kingusinnerpaamik pissaaq piffissami tassani.

Piffissap akissarsiorfiup qaangiutereerneratigut akissarsiat millissutaat ukiumut aningaasarsiorfimmut attuumassuteqarfigisaannut ilaatinneqassapput. Akissarsiat millissutaat qaammatisiutit malillugit ukiumut siusinnerusumut tunngassuteqarpata aningaasarsisussap aningaasat tamakkiisut sulisitsisumut utertissavai. Akissarsiat millissutaasa akileraarutit A-t akissarsisitseqqaarnermi ilanngaatigineqarsimasut sunniuteqarfigissanngilaat. Taarsiullugu aningaasarsiorfut akileraarutit A-nut akiliutigivallaarsimasani inaarummik naatsorsuinnermut nalinginnaasumut nutaamulluunniit atatillugu utertissavai.

Isertitat toqusup toqoreernermit pisassariligai isertitanik tiguisumut akileraaruteqaataassapput, tassa toqoreersumuunngitsoq.

Akissarsiat siumoortumik tunniussat qaammammut akissarsiorfiusumut tunngatinneqassapput. Naak januarip qaammataani akissarsiasat ukiup siuliani decemberip qaammataata naalernerani tunniunneqartaraluartut, akileraarutit A-nik unerartitsineq pissaaq skattekorti nutaaq atorlugu aammalu januarip qaammataani akileraarutit ilanngaasarnemut maleruagassat malillugit. Januarip qaammataani akissarsiat taakkulu akileraarutitaat ukiumut aningaasarsiorfiusumut akissarsiat allagartaanni ukiumoortumi aatsaat ilaatinneqassapput.

Akissarsiasanit aningaasarsiasanilluunniit A-nit allanit siumoortit tunniunneqalerneranni tamatigut akileraarutit A-nut unerartitsisoqartassaaq. Taamaattorli sapaatip akunneranut, ullunut 14-inut imaluunniit qaammammut akissarsiasanit siumoortit tunniussisoqartillugu akileraarutit ilanngaaniissaq aningaasarsiat nalinginnaasumik naatsorsorneqarnissaannut kinguartinneqarsinnaavoq. Sulisitsisup akisussaaffigaa aningaasarsiat naatsorsorneqarneranni akileraarutit A-nut ilanngaatisanut akissarsiat tamarmiusut siumoortit ilanngarneqartinnatik matussutissaqarnissaat.

### *Sulisunut taarsigassarsisitsineq*

Sulisunut taarsigassarsiarititat, isumaqatigiissut malillugu qanoq taarsersuinissamik, ernialersuinissamik, qularnaveequsiinissamillu il.il. tunngaveqartut akileraarutit ilanngaavigineqassanngillat, taamatullu aningaasat taarsigassarsiarititat sulisitsisup aningaasarsiarititat nalunaarsinnaanagit. Taamaattumik taarsigassarsiat aningaasarsianit ilanngaatigineqarneri akileraarutit ilanngaasarnemut attuumassuteqanngillat. Sulisut taarsigassarsiaannik isumakkeerinninnermi isumakkeerneqartut aningaasarsianut A-nut ilaatinneqartassapput.

### *Nalliuttuni sapaataannigitsuni akissarsiat*

Nalliuttuni sapaataannigitsuni akissarsiat ingerlaavartumik tunniunneqartarpata imaluunniit ukiup aningaasarsiorfiusup ingerlanerani siumoortit tunniunneqartarpata, taakku piffissami aningaasarsiorfiusumi tunniunneqarfiini nalinginnaasumik aningaasarsianut A-nut ilangunneqassapput. Taa-

maattorli nalliuttuni sapaataanngitsuni akissarsiat ukiumi aningaasarsiorfiusumi tunniunneqanngip-pata, taakku akileraarutitaat kingusinnerpaamik ilanngaatineqassapput ukiumi aningaasarsiorfiu-sumi ulloq 31. december. Takuuk Namminersornerullutik oqartussat nalunaarutaat nr. 10, 20. september 2011-meersoq § 9.

*Aningaasarsiortoq sulisitsisuni sinnerlugu sullitanit akiliiffigineqaraangat*

Aningaasarsiortoq sulisitsisuni sinnerlugu akiliiffigineqarpat aningaasallu ilaat nammineq aningaa-sarsiassamisut tigummiinnarpagit, aningaasarsiortup aningaasarsiai A-t naatsorsorneqassapput suli-sitsisumut aningaasat sinnerinik tunniussinerit tamaasa, minnerpaamilli qaammammut ataasiarluni. Akileraarutinik ilanngaaneq maleruagassat nalinginnaasut malillugit pisassaaq.

Taamatut aningaasat sinnerinik tunniussinermi aningaasarsiortup pisussaaffigaa aningaasarsiat naat-sorsorneqartut tunngavigalugit akileraarutit A-t sulisitsisumut tunniutissallugit. Tunniussisoqan-gippat sulisitsisup sulisuni erngerluni soraarsissinnaavaa, tak. akileraartarnermut inatsimmi § 80, imm. 2.

Taamatut pisoqanngippat sulisitsisoq akileraarutit A-t akilerneqarnissaannut akisussaatinne-qarsinnaavoq. Sulisitsisup tamanna Akileraartarnermut Aqutsisoqarfimmut, Sulisitsisut Nalunaar-sorsimaffiannut nalunaarutigisariaqarpaa. Takuuk Akileraartarnermut inatsit § 93.

*Akileraarutinik ilanngaasussaatitaaneq pillugu nalornissutit*

Akileraarutinik A-nik ilanngaasussaatitaaneq pillugu nalornissuteqarnermi apeqqudit Akileraartar-nermut Aqutsisoqarfimmut, Sulisitsisut Nalunaarsorsimaffiannut saqqummiunneqartariaqarput. Takuuk Akileraartarnermut inatsit § 75 imm. 5.

Akileraarutinik ilanngaaneq pissusissaatut isumagineqanngippat, sulisitsisoq akileraarutit A-t ilan-gaatigineqanngitsut akilernissaannut pisussaatinneqarsinnaavoq, taamatullu tamanna pinerluttulerinermut inatsit malillugu pineqaatissiinermik nassataqarsinnaalluni. Takuuk Akileraartarnermut inatsit § 93 aamma 105, imm. 1.

## **Akileraarusigassat**

Akileraarusigassat skattekortimilu paasissutissat tunngavigalugit akileraarutit A-t naatsorsorneqartassapput. Akileraarusigassat tassaapput aningaasarsiat A-t tamakkiisut (akissarsiat tapinik sunik tamaniq ilallit) *skattekortimi ilanngaammik ilanngakkat*. Akileraarusigassat naatsorsorneranni aammattaaq makku eqqumaffigineqassapput:

- ullormusiat angalanermilu ajunngitsorsiat akileraartarnermut inatsimmi § 34, imm. 1, nr. 8 malillugu akileraaruteqaataasussaannngitsut ilanngaanissamut tunngavimmuq ilanngunneqassanngillat
- aningaasat soraarnerussutisiaqalernissaq siunertaralugu aqqissuussinermut, akileraartarnermut inatsimmi § 39-mi pineqartumut sulisitsisup akiliutai aningaasarsianut A-nut ilaatinneqassanngillat. Matumanissaaq sulisup nammineq akiliutai ilaatinneqassanngillat. Akiliutilli annerpaamik 15 pct.-inik amerlassuseqarsinnaapput, tak. immikkoortoq 2-mi "ATP-mut soraarnerussutisiaqalernissamillu aqqissuussinernut assingusunut akiliutit"
- ilanngaattissat, matumani ilaatigut tassaallutik sulisup taarsigassarsiaminut taartitit akilersugai, aatsaat ilanngaatigineqassapput akileraarutit A-t ilanngaatigineqareerata.

Akileraarutit naatsorsorneqannginneranni kisitsinissamut pisariillisaatit akileraarusigassat, kr.-inut ilivitsunut naatsorsorneqartartut, kisitsimmuq qaninnermut 10-mik agguarneqarsinnaasumut ammut akunnaallineqarsinnaapput. Taava akileraarutissat A-t naatsorsorneqareerunik kr.-inut ilivitsunut qaninnermut *qummut akunnaallineqassapput*. Takuuk assersuut ilitsersuutip matuma naggataata tungaaniittoq, *ilanngussaq 1*.

Akileraarusigassat ammut akunnaallineqanngippata akileraarutit A-t naatsorsorneqartut kr.-inut ilivitsunut qaninnermut *ammud akunnaallineqassapput*.

Takuuk Akileraartarnermut inatsit § 76 aamma nalunaarut nr. 10, 20. september 2011-meersoq § 13.

## **Akileraarutit A-t naatsorsorneqarnerat**

(Assersuutit ilitsersuutip matuma naggataata tungaani takuneqarsinnaapput, tak. *ilanngussaq 1*)

Akissarsisitsilernermi skattekortip paasissutissartai sulisitsisumit pigineqartut atorlugit akileraarutit A-t naatsorsorneqassapput. Skattekortimi paasissutissat nutaat allannguutilluunniit aatsaat tunngavigineqassapput piffissap akissarsiassanik naatsorsuiffiup naannginnerani pigineqarpata. Tamanna aamma atuuppoq aningaasarsianik A-nik allanik akissarsisitsinermi.

Naatsorsuinermi maleruagassat immikkoortuni ataani nassuiarneqarput:

- Hovedkorti
- Ilangaatissat naatsorsorneqarneri
- Bikorti
- Frikorti
- Skattekorti amigaataappat
- Hovedkortip allannguuteqarnerani

Nalinginnaasumik sulisup pisussaaffigaa hovedkortip sulisitsisumut tunniunnissaa imaluunniit bikortip takutinnissaa. Sulisitsisulli taakku amigaatigigunigit sulisut skattekortiiisa paasissutissartaat nunap immikkoortuani akileraaruseriffimmut piniarsinnaavai. Aningaasarsiortulli ilanngaaserneqar-nissanut piumasaavoq sulisitsisup hovedkorti tigummiassagaa. Takuuk Akileraartarnermi inatsit § § 79 aamma 80.

### *Hovedkorti*

Hovedkorti nunap immikkoortuani akileraaruseriffimmit sananeqartarpoq, tammarsimagaanilu taar-tissaa aamma tassuuna piniarneqarsinnaalluni.

Aningaasarsiortup hovedkortini sulisitsisumut tunniutissavaa, taassuma paarissammagu. Sulisitsi-sup naatsorsuutimini inuup normua, procenti akileraarutissaq aamma ilanngaatit nalunaarsugassarai. Takuuk Akileraartarnermut inatsit § 79 imm. 1 aammalu nalunaarut nr. 10, 20. september 2011-meersoq, § 16 imm. 2.

Taamaallaat piffissami sulisitsisup hovedkortimik tigummiarnerata nalaani ilanngaasiisoqarsinnaa-voq. Aningaasarsiortup hovedkortimi tigunissaa piumasarippagu, piffissami hovedkortip tunniunne-qarnerata kingorna taanna malillugu ilanngaasiisoqarsinnaangilaq. Tamatuma kingorna skattekortim-i procenti akileraarutissaq malillugu ilanngaatitaqanngitsumik akileraarutit ilanngaatigineqassap-put - tassa bikortip atorneqartarneratulli - immikkoortoq tassunga tunngasoq takuuk. Takuuk Akileraartarnermut inatsit § 79 imm. 1 aamma 7 aammalu § 80 imm. 1.

Ukiup ingerlanerani aningaasarsiortoq suliffimmiit soraarpat hovedkorti tassunga tunniunneqassaaq. Takuuk Akileraartarnermut inatsit § 79 imm. 1 aamma nalunaarut nr. 10, 20. september 2011-meersoq § 15 imm. 1.

Qaammatisiutit malillugit ukioq naappat skattekorti sulisumut utertinneqassaaq taassumaluunniit ti-gorusunngippagu suujunnaarsinneqassalluni. Takuuk Nalunaarut nr. 10, 20. september 2011-meersoq § 15 imm. 1.

### *Ilanngaatit naatsorsorneqartarnerat*

Ilanngaatit ullormut, sapaatip akunneranut, ullunut 14-inut aamma qaammammut annertussusaat hovedkortimi allassimapput. Tak. Akileraartarnermut inatsit § 79 imm. 2.

Ullormut ilanngaat nalinginnaasumik taamaallaat atorneqartassaaq ullormut ataasiinnarmut ani-ngaasarsisitsinermi. Tamatuma saniatigut ullormut ilanngaat aatsaat atorneqartassaaq piffissaq ani-ngaasarsiffiusoq "equngatillugu", ilanngaatissanut allanut ilanngullugu.

Piffissamut aningaasarsiorfiusumut, tassa nalliuttut sulinnigiffiillu allat ilanngullugit, naleqquttumik ilanngaasiisoqartassaaq. Toqusimasup akileraarutissaanik naatsorsuinermi ulloq toquffiusoq ilan-ngullugu ilanngaasiisoqartassaaq. Feeriarnermi ilanngaatit pillugit takuuk immikkoortup tullia "Akileraarutit A-t - feeriarnermi ajunngitsorsiat aamma feeriarnersiutit".

*Akileraarutissat naatsorsornerini ilanngaateqartitsisoqassappat hovedkorti tamatigut sulisitsisumit tigummineqartassaaq.*

Akileraarutissat naatsorsornerini hovedkorti tunngavigineqarpat piffissaq aningaasarsiffiusoq ta-

maat ilanngaateqartitsisoqassaaq, tassa aningaasarsiortoq piffissaq tamaat sulisimannikkaluarpaluunniit, imaluunniit akissarsiassat piffissamut aningaasarsiorfiusumut aalajangersimasumut tungatinneqarsinnaanngikkaluarpataluunniit.

Ilanngaatit aningaasarsianit A-nit amerlaneruppata akileraarusigassat "0"-iussapput. **(Piffissamut aalajangersimasumut ilanngaatissat atorneqanngitsut piffissap tulliani atorneqarsinnaapput, aningaasarsiortup skattekortia piffissani pineqartuni marlunni sulisitsisumit tigummineqarsimappat.)**

*Ulluni sulisup napparsimanersiutinik sulisartut peqatigiiffiannit (SIK-mit) pisartagaqarfiini ilanngaasiisoqassanngilaq.*

SIK-mit napparsimanersiutinik tunniussinermit ullormut ilanngaat atorneqartarpoq, taamaattumik "ulluinnarni" sulisitsisup ilanngaat sulisup napparsimanerata nalaani atortassanngilaa, naak hovedkorti tassanga tigummineqaraluartoq.

*Naatsorsuinermit assersuutit (piffissaq akissarsiffiusoq kipungasoq)*

Hovedkorti malillugu ullormut ilanngaat 159 kr.-uvoq. Aningaasarsiortoq marlunngornermit sulilerpoq. Sapaatip akunnera akissarsiorfik tassaavoq sapaammiit - arfininngornermut.

Ulluni sisamani akissarsiat (marlunngornermiit tallimanngornermut .....	2.500 kr.
Skattekorti malillugu ilanngaatit marlunngorneq} pingasunngorneq} sisamannorneq} ullut 5 á 159 kr. ....	795 kr.
tallimannorneq} arfininngorneq}	
Akileraarusigassat .....	1.705 kr.
Kr.-inut ilivitsunut qaninnernut ammut akunnaallineqarsinnaavoq	1.700 kr.

### *Bikorti*

Bikorti atorneqartarpoq aningaasarsiortoq sulisitsisunik arlaqartunik ataatsikkut aningaasarsiffeqaraangat. Hovedkorti sulisitsisumit ataatsimit bikortilu sulisitsisut sinnerinit atorneqassaaq. Bikorti ilanngaatitaqanngilaq, taamaallaalli procenti akileraarutissaq allassimalluni. Bikorti sulisitsisumut tunniunnagu takutiinnarneqassaaq, taassumalu inuup normua, procenti akileraarutissaq kommunilu akileraarfik allassavai. Takuuk Akileraartarnermut inatsit § 79 imm. 1 aammalu nalunaarut nr. 10, 20. september 2011-meersoq § 16 imm. 2.

### *Frikorti*

Frikortimi allassimapput aningaasarsiat akileraaruteqaataasussat akileraarusernagit akissarsiarineqarsinnaasut annerpaaffissaat (tassa akissarsinerit ataasiakkaat katinnerat) kiisalu procenti akileraarutissaq. Aningaasarsianik A-nik akissarsisitsinerit tamaasa sulisitsisup taakku frikortimi allattasavai. Takuuk nalunaarut nr. 10, 20. september 2011-meersoq § § 15 imm. 2 aamma 16 imm. 2.



Aningaasarsiat akileraarusernagit akissarsiarineqarsinnaasut annerpaaffissaat sinnerlugit aningaasarsianik A-nik akissarsisitsisoqarpat procenti akileraarutissaq atorlugu akileraarusiisoqassaaq.

### *Skattekortit amigaataappat*

Aningaasarsiortoq hovedkortimik/bikortimik tunniussaqaanngippat/takutitaqaanngippat akileraarutit A-t aningaasarsiat A-t 45 procentiisut annertutigisut unerartinneqassapput. Tamanna aamma atuutissaq aningaasarsiortup hovedkorti/bikorti akileraaruseriffimmit tigusimannginnerarpagu imaluunniit tammarsimanerarpagu. Takuuk Akileraartarnermut inatsit § 80 imm. 1

Hovedkorti/bikorti amigaataappata sulisitsisup qulakkiissavaa aningaasarsiortup inuttut normuata, aqkata najugaatalu pissarsiarinissaat, taakkulu inuup normuanut uppernarsaat assigisaaluunniit atorlugu uppernarsartillugit. Inuup normua pissarsiarineqarsinnaanngippat sulisitsisup qulakkiissavaa ullup, qaammatip ukiullu inuuiup pissarsiarinissaat. Takuuk Nalunaarut nr. 10, 20. september 2011-meersoq § 16 imm. 4.

Akileraartarnermut oqartussaasut paasissutissat hovedkortimiittussaagaluit/bikortimiittussaagaluit sulisitsisumut nalunaarutigisinnaavaat. Taamaattoqarpat akileraarutit A-t taakku tunngavigalugit unerartinneqassapput. Aningaasarsiortup procenti akileraarutissaa sulisitsisup ilisimaguniuk taanna akileraarutinik ilanngaanermini tunngavigissavaa. Takuuk Akileraartarnermut inatsit § 79 imm. 7. Taamaattorli akileraarutissat naatsorsornerini ilanngaasiisoqassappat hovedkorti tamatigut sulisitsisumit tigummiarneqartassaaq.

### *Hovedkortit allannguuteqarnerani*

Hovedkorti ukiup ingerlanerani tunniunneqartoq atuutilertarpoq ullormi, akileraartarnermut oqartussaasut atuutilerfiusutut allataanni. Hovedkortimi nutaami ilanngaatit ullup atuutilerfiisa kingorna akileraarutinik ilanngaaqqaarfimmi atorneqassapput.

Taamaattoq piunasaavoq hovedkortit nutaap aningaasarsiasat naatsorsornerisa naammassinnginnerini tiguneqarsimanissaa.

Sulisitsisup hovedkorti nutaaq tiguguniuk hovedkorti pisoqaaq aserorterlugu suujunnaarsissavaa.

### **Feeriarnermi ajunngitsorsianut feeriarneriutinullu atatillugu akileraarutit A-t**

(Assersuutit ilitsersuutip matuma naggataata tungaani takuneqarsinnaapput, tak. *ilanngussaq 1*)

### *Aningaasarsiaqarani feeriarneq*

Akileraarutit A-t unerartinneqassapput feeriarnermi ajunngitsorsiasat, feeriarnermut allagartamik assigisaanilluunniit tunniussinikkut sulisumut pisassaritinneqalerpata. Akileraarutilli kingusinnerpaamik ukiumi aningaasarsiorfiusumi ullormi 31. december ilanngaatigineqassapput. Tassa imaappoq; 2022-mi feeriarneriutinut katersorneqarsimasut 2023-mi feeriarnermi tunniunneqartussat 2022-mi naatsorsuutinut ilaassapput. Takuuk Nalunaarut nr. 10 20. september 2011-meersoq § 9 imm. 2.

Akileraarutit ilanngaatigineqartussat feeriarnermut allagartamik assigisaanilluunniit tunniussineq siqqullugu feeriarnermi ajunngitsorsiasanit ilanngaatigineqassapput.

Feeriarnermi ajunngitsorsiassanit akileraarutit maleruagassat nalinginnaasumik atuuttut malillugit naatsorsorneqassapput. Taamaattorli ilanngaaitit naatsorsorneqartarneri pillugit immikkut maleruagassaqarpoq.

Maleruagassat pingasut uku arlaat ataaseq atorneqarsinnaavoq:

- ukioq ilivitsaq tamakkerlugu naatsorsorneqarpat tamakkiisumillu sulisoqarsimalluni, taava sapaatip akunnerinut tallimanut ilanngaasiisoqassaaq, tassa aningaasarsiortoq sapaatip akunnerini tallimani feeriarsimappat.
- aningaasarsiortup sulisuunerata nalaani *ullut 6-it* (arfininngornerit ilanngullugit) *feeriarnertit tamaasa* sapaatip akunneranut ilanngaat atorneqassaaq. Ullut feeriarnertit sinnerinut ullormut ilanngaat atorneqassaaq.
- aningaasarsiortoq sapaatip akunnerini ilivitsuni sulisuusimaneri tamaasa ullormut ilanngaatip 0,7-eriaataa atorneqassaaq. Ullunik sinneruttoqarpat taakku ilanngaaserneqassanngillat.

*Malugiuk. Feeriartoqartillugu feeriarnertup nalaani aningaasarsisitsisoqarpat ilanngaattissat atorneqassanngillat, sulisitsisulluunniit hovedkorti tiggummigaluarpagu.*

*Akissarsiaqarluni feeriarneq*

Qaammammi qaammatiniluunniit feeriarnertup akileraarutinik unerartitsineq qaammatit allat assigalugit pisarnermisut ingerlanneqassaaq. Feeriarnermi ajunngitsorsiassat immikkut ittut – nalinginnaasumik ukiup siuliani aningaasarsiorfiusumi aningaasarsiat 1,5 pct.-ii – tunniunneqalerannani akileraarusigassanut ilaatinneqassapput. Takuuk Namminersornerullutik oqartussat nalunaarutaat nr. 10, 20. september 2011-meersoq § 9.

Aningaasarsiortoq atorfirmimit, akissarsiaqarluni feeriarsinnaatitaaffilimmit soraarpat, feeriarnermi ajunngitsorsiassat katersat aningaasarsiortumut, feeriarnermut allagartamik assigisaanilluunniit tunniussinermi pisassanngortinneqarpat akileraarutinik ilanngarneqassapput. Akileraarutinilli ilanngaaneq kingusinnerpaamik pissaaq ukiumi soraarfigisami ullormi 31. december. Ukiumi soraarfigisami procenti akileraarutissaq atorlugu akileraarutit A-t naatsorsorneqassapput. Hovedkorti atorneqaraluarpuunniit akileraarutinik ilanngaanermi ilanngaasiisoqassanngilaq. Takuuk Namminersornerullutik oqartussat nalunaarutaat nr.10, 20. september 2011-meersoq § 9 imm. 1 aamma 2.

Aningaasarsiortoq nalinginnaasumik akissarsiaqarluni feeriarsinnaatitaaffilik sulisitsisorilikkamini feeriassaminik katersaqanngikkaluarluni feeriarnertup, taamaattumillu sulisitsorisimasaminit feeriarnermut allagartamik assigisaanilluunniit peqaruni taassuminnga atuisussaq, piffissaq feeriarnertit taamaat pisarnertut ilanngaateqartinneqassaaq, tassa allatut oqaatigalugu sulisitsisorilikkamini qaammammi feeriarnertup qaammammusiak ikinneqaraluarlutit qaammammut ilanngaammik ilivitsumik ilanngaateqartinneqassaaq. Tassungali piumasaavoq feeriarnertup nalaani skattekortip sulisitsisorilikkamit tiggummineqarnissaa. (**Malugiuk: Ilanngaaitit atorneqanngitsut piffissap aningaasarsifiusup tullianut nuunneqarsinnaammata**).

*Toqusooqartillugu feeriarnermi ajunngitsorsiassat*

Toqusup feeriarnermi ajunngitsorsiassai, matumani ilaallutik toqunissani sioqqullugu aningaasarsiaqarluni feeriassat katersai, ulloq toquffia tikillugu naatsorsorneqartussaapput, ullorlu taanna killifigalugu maleruagassat nalinginnaasut malillugit akileraarutinik ilanngarneqartussaallutik, tak. Qu-

laaniittut. Takuuk Namminersornerullutik oqartussat nalunaarutaat nr. 10, 20. september 2011-meersoq § 10.

### **Aningaasarsiortumut nalunaarut (akissarsiat allagartaat)**

Akissarsisitsinermi sulisitsisup naatsorsuut (allagartaq akissarsiat naatsorsorneqarfiat), makkuninnga paasissutissartalik ilanngullugu aningaasarsiortumut tunniutissavaa:

- aningaasarsiat A-t aamma akileraarutit A-t
  - piffissaq akissarsianut tunngasoq
  - sulisitsisup aqqa, najugaa, sulisitsisutut kommunia aamma sulisitsisutut normua
  - aningaasarsiortup aqqa inuttullu normua
  - inuup-normua amigaataappat aningaasarsiortup ulloq, qaammat ukiorlu inuuia allanneqassapput.
- Takuuk Nalunaarut nr. 10, 20. september 2011-meersoq § 17.

Aningaasarsiortup akissarsiami allagartaat toqqorsimasariaqarpaa, taannaammammi akileraarutini A-nik unerartitsisoqarsimaneranut aningaasarsiortup uppersaatissaa.

Feeriarnermi ajunngitsorsiat akileraarutini ilanngarneqarneranni aningaasarsiortoq feeriarnermi ajunngitsorsiat taakkulu A-nut akileraarutitaasa naatsorsorneqarfiannik tunineqassaaq. Feeriarnermut allagartaq assigisaaluunniit atornerpat paasissutissat tassani allassimanissaat naammappoq.

### **Tamakkiisumik akileraaruteqartitsinermit aaqqissuussineq**

1. januar 2011 aallarnerfigalugu inatsit nr. 20, 18. november 2010-meersoq tamakkiisumik akileraaruteqartitsineq atuutitinneqalerpoq. Takuuk Akileraaruserinermik ingerlatsineq pillugu Inatsisartut inatsisat nr. 12 § 72 a aamma 72 b.

Tamakkiisumik akileraaruteqartitsineq, inunnit illoqarfiit nunaqarfiillu avataanni aatsitassarsiornermi aammalu suliaassanik annertuunik suliaqartunit tuutitinneqassaaq.

Tamakkiisumik akileraaruteqartitsineq ima paasineqassaaq, sulisut taaneqartut tamakkiisumik isertitaminnit ilanngaasernagit 35 %-inik inaarutaasumik akileraarutaasussanik akileraaruserneqassasut.

Tamakkiisumik akileraarutit atorfeqartitaanermi akissarsianit, taamatullu ajunngitsorsianit tamanit pissarsiarineqarsimasunit, soorlu akeqanngitsumik nerisaqartitaanerup, ineqartitaanerup, telefoneqartitaanerup il.il. nalinginit naatsorsorneqassapput. Akissarsianulli soraarnerussutisiaqalernissamut kalaallit danskillu selskabiini soraarnerussutisiaqalernissamut aaqqissuussinernut akilersuutit sulisitsisunit aqunneqartut ilaatinneqanngillat, takukkit maleruagassat atuuttut.

Inuit akileraaruserorneqarnerannut allannguinerit inunnut qaammatip siuliini kingullerni arfinilinni Kalaallit Nunaanni kommunimut akileraartussaataasimanngitsunut atuupput, kiisalu atorfeqartitaanermi suliaassanut makkuninnga suliaqartitaasunut:

- Sulianik ingerlatani, sanaartornermi sulianik kiisalu ikkussuinerimik ivertiterinermik illoqarfiit nunaqarfiillu piusut avataanni suliaassanik suliaqartitaasut.
- Aatsitassaqarneranik misissueqqaarnernut, misissueqqissaarnernut piaanermullu suliaqartitaasut.

- Namminersornerullutik Oqartussat sinnerlugit timmisartoqarfiliornerit

Aaqqissuussinermut ilaatinneqanngillat sulisut, sermip erngullu avammut nioqqutissatut suliarineqarnerinut suleqataasut aammalu sulisut aningaasarsiat A-nik, aaqqissuussinermut attuumassuteqanngitsuniit aamma aningaasarsisartut.

Sulisut ilaannut akileraartarnermi angerlarsimaffik allanngortinneqassaaq.

Inunnut, qaammatit siuliini kingullerni arfinilinni Kalaallit Nunaanni kommunimut akileraartussaa-titaasimanningsunut kiisalu atorfeqartitaanerminnut atatillugu sulianik ingerlatanut, sanaartornermi sulianik aammalu ikkussuineramik ivertiterineramik illoqarfiit nunaqarfiillu piusut avataanni sanaartornermik suliaqartut imaluunniit ataani taaneqartuni atorfeqartitaasut Akileraartarnermut Aqutsisoqarfik kommunitut akileraarfittut isigineqassaaq:

- Suliffeqarfimmi, aatsitassat pillugit inatsit naapertorlugu misissueqqaarnissamut misissueq-qissaarnissamullu akuersissuteqarfigineqarsimasumi.
- Suliffeqarfimmi, aatsitassat pillugit inatsit naapertorlugu piiaanissamut akuersissuteqarfigi-neqarsimasumi.
- Suliffeqarfimmi, sermip erngullu avammut nioqqutissiarinissaat siunertaralugu nioqqutissi-ornissamut akuersissuteqarfigineqarsimasumi.
- Suliffeqarfimmi, Namminersornerullutik Oqartussat sinnerlugit timmisartoqarfiliortutut suliaqartut.

1. januar 2011-miit aningaasarsiat A-t aammalu tamakkiisumik akileraarutit tamarmik qulaani allas-simasut kommunip akileraarfiup kodeanik 35-mik nalunaaqutsikkat tunniussinissamut piffissarititat atuuttut malillugit nalunaarutigineqartassapput. Tamakkiisumik akileraarutit nassuiaami (immersugassaq A1-imi) akileraarutit A-tut nalunaarutigineqassapput.

Nalunaarutiginninnermut tunngatillugu apeqqutigiumaneqarsinnaasut Akileraartarnermut Aqutsiso-qarfimmut Sulisitsisut Nalunaarsorsimaffiannut saaffiginnissutigineqassapput.

### **Akissarsiat ilaannik ilanngartuineq**

Sulisitsisoq pisortanut akiligassanut kinguaattoorutinut matussutissanik ilanngartueqqussummik pi-umaffigineqarsinnaavoq. Takuuk Akileraartarnermut inatsit § 101 aamma akiitsunik akiliisitsiniar-tarneq pillugu inatsit § 3.

Ilanngartuineq pisinnaavoq akissarsiassanit, honorarisiassanit aammalu aningaasarsiassanit allanit, kiisalu pensionisiassanit (matumanili ilaatinneqanngillat pisortanit pensionisiassat, aningaasat utaq-qiisit allatulluunniit ikiorsiissutit). Aammattaaq ilanngartuineq pisinnaavoq aalisarnermit, piniarner-

mit, aallaaniarnermit, savaateqarnermit tuttuuteqarnermillu tunisaqarnermit isertitanit kiisalu sanaalukkanik tunisaqarnermit isertitanit. Takuuk Akiitsunik akiliisitsiniartarneq pillugu inatsit § 3.

Eqqartuussisarnermi inatsimmi maleruagassat naapertorlugit ilanngartuisoqarpat, akileraarutit ilanngaatigereerlugit akiitsullip akissarsiassaasa annerpaamik 33,33%-iinik ilanngartuisoqarsinnaavoq. Takuuk Kalaallit Nunaanni eqqartuussisarnermi inatsit § 625 imm. 2.

Assersuut: Akissarsiortoq meeqqanut tapinut aammalu eqqaavinnut pisortanut akiitsoqarpat, taava sulisitsisoq qinnuvigineqassaaq annerpaamik 33,33% akissarsianiit ilanngartuisoqassaaq, sulisitsisup akileraarutit ilanngartuisoqareerpat sinneri tunniuttussanngorlugit.

Akileraartarnermut inatsit naapertorlugu ilanngartuisoqarpat, akileraarutit ilanngaatigereerlugit tunniunneqartussat annerpaamik 30%-iinik ilanngartuisoqarsinnaavoq. Takuuk Akileraartarnermut inatsisip § 101, imm. 6.

Assersuut: Akissarsiortoq akileraarutit tapiutaanut taamaallaat akiitsoqarpat annerpaamik 30%-iinik tunniunneqartussanit ilanngartuisoqarsinnaavoq.

Akissarsiat ilaannik ilanngartuisoqartinnagu allanut matusissutissanik ilanngaassoqassanngilaq, soorlu sulisartut peqatigiiffiannut ilaasortaanermut akiliutit ilanngartuisoqartinnagu ilanngaatigineqarsinnaanngillat.

Akissarsiat ilaannik ilanngartueqqussut aningaasarsiortup akiliisitsiniartartullu akornanni nammineq kajumissutsimik isumaqatigiissummik tunngaveqarpat, akissarsiassat tunniunneqartussat 33,33%-iinit annerusumik ilanngartuinissamut periarfissaqarpoq. Takuuk Inatsisartut inatsisaat nr. 3, 2. Maj 1996-imeersoq kingornalu allanngutaaniittut.

Taamaattorli nammineq kajumissutsimik isumaqatigiissut tunngavigalugu feeriarneriutit suugalulluunniit, taakku aningaasartaat aningaasarsiat annerpaamik 15%-erippagit ilanngartuiffigineqarsinnaanngillat, tak. akiliisitsiniartarnermut inatsimmi § 4.

Assersuut:

Akissarsiat ilaannik ilanngartuinissamut tunngavik:

Akissarsiat .....	15.000 kr.
ATP-mut soraarnerussutisiaqalernissamullu aaqquissuussinernut ilanngaatiq- neqarsinnaasunut akiliutit .....	<u>- 800 kr.</u> 14.200 kr.
<u>Akilaraarutit A-t unerartitat</u> .....	<u>- 4.144 kr.</u>
Akissarsiat tunniussassat (ilanngartuinissaq sioqqullugu)	10.056 kr.

Ilanngartuinissamut tunngavissat assersuummi tassaapput akissarsiat tunniussassat.

Akilaraartarnermut inatsimmi maleruagassat naapertorlugit ilanngartuinerit eqqartuussisarnermi inatsimmi maleruagassat naapertorlugit ilanngartuinermit salliutinneqassapput.

Aningaasat, akissarsianit qaammammi ilanngartuinikkut illikartinneqarsimasut, akilerneqassapput qaammatisiutit malillugit qaammatip ilanngaassiffiusup tulliaata aallaqqaataani. Piffissaagallartillugu akiliiffissaq arfininngornerusimappat, sapaataasimappat imaluunniit nalliuttuusimappat akiliiffissaq sivitsorneqassaaq ulluinanngorneranut, Takuuk Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 13, 3. juni 2015-imeersumi § 3a imm. 3.

(Assersuut: sulisumut kingumoortumik akissarsiaqartumut aprilimi akissarsiasaanit ilanngaassine-  
rit akiligassanngussapput 1. maj, kingusinnerpaamillu akilerneqareersimassallutik 1. juni.)

Akilaraartarnermut Inatsisip § 101, imm. 1 naapertorlugu sulisitsisoq ilanngartueqqusissummik tigusaqarsimappat peqqussut akiitsup akilersinniassallugu, taamaattoqanngippat akisussaaf-  
figilissavaa, Akilaraartarnermut inatsisip § 101, imm.8, jf. § 93, imm. 1. najoqquttaralugu. Sulisitsisoq ilanngartueqqusummik piunaaffigineqarsimasooq ilanngartueqqusinermik malinninngik-  
kuni ilanngartugassarigaluanut taarsiisussaataavoq. Takuuk Akiitsunik akiliisitsiniartarneq pillugu inatsit § 627.

Ilanngartuissutinik nalunaarutiginninneq

Akissarsianit ilanngartuinerit qaammatit tamaasa Akilaraartarnermut Aqutsisoqarfimmut nalunaarutigineqartassapput. Ilitsersuut nittartakkami [www.sullissivik.gl](http://www.sullissivik.gl)-immi Akilaraarutit, akitsuutit aamma pisortanut akiitsut ataani / ilanngartuissut ivertiguk immersorlugu . Akissarsianit ilanngartuinerit elektroniskiusumik nalunaarutigineqassapput tassuuna.

Akissarsianit ilanngartuisarnermut maleruagassat pillugit nalornissuteqassaguit, Akilaraartarnermut Aqutsisoqarfimmut, Qitiusumik Akiliisitsiniartarnermi Oqartussanut saaffiginnissaatit.

## 4. Akileraarutit A-t pillugit nassuiaat sukumiisoq akilerneqarnerilu

### Aningaasarsiat A-t akileraarutillu A-t pillugit nassuiaat sukumiisoq

Sulisitsisup qaammatit tamaasa qaammammi ilanngaassiffiusumi aningaasarsiortut ataasiakkaat aningaasarsiaat A-t (akileraarutinik ilanngarneqanngitsut) aamma akileraarutaat A-t unerartitat kiisalu sulisoqarnermut akitsuummumut akiliutissaq pillugit paasissutissiisassaaq. Takuuk Namminersornerullutik Oqartussat nalunaarut nr. 10 20. september 2011-meersaq §§ 12 imm. 1 aamma 28.

Sulisoqarnermut akitsuut aningaasarsianiit tamakkiisuniit ilaa procentinngukkamik naatsorsorneqartassaaq.

Inuussutissarsiummik ingerlataqartunut namminersortunut sulisoqarnermut akitsuut aningaasarsianiit tamakkiisut 1,1 procentia naatsorsorneqartassaaq. Takuuk Inatsisartut inatsisaat nr. 9 19. November 2020-meersaq (atuutilersaq juli 2021-imiit).

Qaffaaneq atuutsinneqanngilaq pisortat suliffeqarfiutaannut tassalu kommuninut, Namminersornerullutik ingerlatsiviiniit, Aqutsisoqafianiit, paaqqinniffiit il.il. Sulisoqarnermut akitsuut kommuninut aamma Namminersornerullutik oqartussanut aningaasarsianiit 0,9%-a atuutiinnarpoq.

Sulisitsisoq 20-it imaluunniit sinnerlugillugit sulisoqarsimappat, paasissutissat digital-ikkut nalunaarsorneqartassapput. Sulisitsisoq aamma ikinnerusunik sulisoqartoq paasissutissanik digital-ikkut tunniussinissaminut periarfissaqartoq, internet-imullu atassuteqartoq piumaffigineqarsinnaavoq digital-ikkut nalunaaruteqarnissaminut. Takuuk Namminersornerullutik oqartussat nalunaarutaat nr. 10 20. september 2011-meersaq § 12 imm. 2 aamma 3 aammalu § 28 imm. 2.

Sulisitsisut digital-ikkut nalunaarsuinngitsut, paasissutissat nassuiaat sukumiisoq A1 atorlugu nalunaaruteqartassapput. Takuuk Namminersornerullutik oqartussat nalunaarutaat nr. 10 20. September 2011-meersaq § 12 imm. 5 aamma 28 imm. 4.

Immersugassaq A1 kiisalu digital-imik nalunaaruteqarnissamut iltsersuut uani takuneqarsinnaapput: <https://sulinal.nanoq.gl>.

Assersuut naatsorsorneqarnera nalunaarusiorneq qaammat juli 2021-mut.

Akissarsiarititat katinneri, A1 malillugu .....	<u>100.000 kr.</u>
Akileraarutit A-t katillugit, A1 malillugu .....	32.000 kr.
Sulisoqarnermut akitsuut akissarsiarititat katinnerisa 100.000 kr.-it 1,1%-iat .....	<u>1.100 kr.</u>
Akiligassat katillugit .....	<u>33.100 kr.</u>

Nassuiaat sukumiisoq Sulisitsisut Nalunaarsorsimaffiannut kingusinnerpaamik nassiunneqassaaq qaammatip ilanngaassiffiup tulliani qaammatip ulluisa qulingani. Qaammatip ulluisa qulingat arfininngorneruppat, sapaataappat nalliuttuuppalluunniit nassitsinissamut periarfissarititaq uuluinnaasumut tullermut sivitsorneqassaaq. Takuuk Akileraartarnermut inatsit § 81 imm. 3.

*Nassuiaat sukumiisoq kingusinaartumik nassiunneqarpat*

Nassuiaat sukumiisoq piffissareqqusaq eqqorlugu nassiunneqanngippat sulisitsisup qaammammi pineqartumi akiliutissaq, akileraarutit A-t 2%-iisut annertutigisoq akilissavaa. Akiliutissaq minnerpaamik 500 koruuniuvoq annerpaamillu 1.000 koruuniulluni. Immikkut pissutissaqartillugu sulisitsisoq akiliutissamik Sulisitsisut Nalunaarsorsimaffianit akiliinngitsoortinneqarsinnaavoq. Takuuk Akileraartarnermut inatsit § 81 imm. 4.

*"0-imik nassuiaat sukumiisoq"*

Sulisitsisoq qaammammi aningaasarsianik A-nik akissarsisitsinngikkaluarpalluunniit nassuiaat sukumiisoq (0-imik nassuiaat sukumiisoq) nassiunneqassaaq. Sulisitsisut Nalunaarsorsimaffianni nalunaarsorneqarsimajuartilluni tamanna pisussaaffiuvoq. Takuuk Namminersornerullutik Oqartussat nalunaarut nr. 10 20. september 2011-meersoq §§ 12 imm. 1 aamma 28 imm. 1.

*Suliffeqarfiup ingerlajunnaarnera*

Sulisitsisup suliffeqarfiutini ingerlakkunnaarpagu ingerlatsiunnaarnermiit kingusinnerpaamik ullut 10-t qaangiutsinnagit, nassuiaatit sukumiisut aamma akissarsiat allagartaat ukiumoortut, suliffeqarfiup uninnissaata tungaanut nassiunneqassammata. (*Eqqaamallugu* feeriarnerisutissat aamma ilanngunneqassammata). Takuuk Akileraaruserinermik ingerlatsineq pillugu Inatsisartut inatsisaanni § 30, imm. 2.

Suliffeqarfik unitsinneqarmat nalunaarutigineqassaaq aamma uunga cvr.dk

*Peqqissaannginneq sumiginnaanerlu*

Piffissareqqusamit qulaani taaneqartumit akulikinnerusumik sivikinnerusumilluunniit piffissaliilluni sulisitsisoq nassuiaatinik sukumiisunik nassitsinissamut akileraarutillu A-t akilernissaannut Sulisitsisut Nalunaarsorsimaffianit peqquneqarsinnaavoq. Tamanna makkuninnga pissuteqarsinnaavoq:

- nassuiaat sukumiisoq piffissaq eqqorlugu nassiunneqartanngippat
- nassuiaat sukumiisoq paasissutissanik amigartunik imaqartoq nassiunneqartarpat
- akileraarutit A-t unerartitat piffissaq eqqorlugu akilernerqartanngippata

Takuuk nalunaarut nr. 10, 20. september 2011-meersoq § 14.

*Nassuiaat sukumiisoq nassiunneqanngippat*

Sulisitsisup nassuiaat sukumiisoq nassiutinngippagu akileraarutit A-t sulisitsisup akiligassai missingersukkamik angissusilerlugit Sulisitsisut Nalunaarsorsimaffianit aalajangerallarneqarsinnaapput. Takuuk Akileraartarnermut inatsit § 93 imm. 3.

*Nassuiaatini sukumiisuni nassiunneqareersimasuni kukkunerit*

Nassuiaatip sukumiisup immersornerani kukkusoqarsimappat, kukkuneq iluarsineqarsinnaasarpog. Sulisitsisup kisitsisit nassuiaatini sukumiisuni nalunaarutigeriikkaminni iluarsissutilliorsinnaavoq sulisunut ataasiakkaanut annertusisillugit imaluunniit annikillillugit, qaammatini kukkuffiusuni iluanni. Iluarsissutit kisitsisit saavani + imal. – imik aallaqqaaserlugit.

*Feeriarnermi ajunngitsorsiassat pillugit nassuiaat sukumiisoq*



Eqqaamaneqassaaq decemberimut nassuiaat sukumiisoq feeriarnermi ajunngitsorsiassanik taakkulu akileraarutitaannik A-nik imaqassammat, aatsaalli feeriarnermi ajunngitsorsiassat siusinnerusukkut sulisumut pisassanngorlugit tunniunneqarsimanngippata taamaattumillu siusinnerusukkut nassuiaammi sukumiisumi ilaatinneqarsimanatik.

Feeriarnermi ajunngitsorsiassat pillugit paasissutissat immikkut allanneqartariaqanngillat, aningaasarsioritulli ataasiakkaat decemberimi aningaasarsiaannut A-nut akileraarutaannullu A-nut ilaatinneqarsinnaallutik. Taamaattorli feeriarnermi ajunngitsorsiassat decemberimut nassuiaammi sukumiisumi immikkoortinneqarnissaat pitsaaquteqarsinnaavoq, tassami kisitsisit tassani pineqartut ukiup naanerani naatsorsuutit oqimaaqatigiissinnerini feeriepengitut akiitsutut takoriaannaassammata.

Ilitsersuutip matuma naggataata tungaaniittoq assersuut nassuiaatip sukumiisup immersorneqartarneranut tunngasoq takuneqarsinnaavoq, tak. *ilanngussaq 2*.

### **Akileraarutit A-t aamma sulisoqarnermut akitsuutit akilerneqarneri**

Qaammatisiutit malillugit qaammatip ingerlanerani akileraarutit A-t sulisitsisup unerartissimasai, qaammatip tulliaata aallaqqaataani akiligassanngussapput, kingusinnerpaamik piffissaq eqqorlugu akiliiffissaq tassaalluni qaammatip ulluisa 1-at. Qaammatip ulluisa 1-at arfininngorneruppat, sapaataappat nalliuttuuppalluunniit akiliinissamut piffissarititaq ulluinnaasumut tullermut sivitsorneqassaaq. Assersuutigalugu april 2022-ip qaammataani akileraarutit A-t kingusinnerpaamik akiligassanngussapput 1. juni 2022.

Akiliuteqarnek (akileraarutinik A-nik sulisoqarnermullu akitsuutinik tamakkiisunik) Akileraartarnermut Aqutsisoqarfimmut pissaq. Akiligassiissut faktura/Netopkrævning nassiunneqarsimasut atorlugit imaluunniit web-bankikkut akiliisoqarsinnaavoq. Bankikkut nuussinermi eqqaamaneqassaaq sulisitsisup IIN-normua kiisalu akileraarutit A-t/sulisoqarnermut akitsuutit akilerneqartut qaammammut sorlermut tunngasuuneri allanneqassammata.

#### *Kingusinaarluni akiliuteqarnek*

Sulisitsisup akileraarutit A-t piffissaq eqqorlugu akilinngippagit qaammatip akiliiffissap aallaqqaataaniit aallartittumik ernialersuisoqassaaq qaammammut 1%-imik.

Assersuut: Januarimi akileraarutit A-t unerartinneqartut martsip aallaqqaataani akilerneqanngippata minnerpaamik 2%-inik ernialisoqassaaq (1+1, tassa marts aamma april pillugit).

Akileraarut annertussusaat 34.000 koruuniuppat akilerneqanngippata qaammammut ernialersorneqassaaq akiitsup 1%-nik, tassalu 340 koruuninik qaamatikkaartumik ernialersorneqartassaaq piffissaagallartillugu akilerneqanngimmat.

Ernianik naatsorsuineri øriinnaat ilanngunneqassanngillat.

Akileraarutit A-t piffissaq eqqorlugu akilerneqanngippata akileraarutit A-t kingusinaarluni akilerneqarnerinut ernialersuinerup saniatigut sulisitsisoq akiliisinneqarluni "pillarneqarsinnaavoq". Tamanna aamma atuuppoq sulisitsisoq ikinaaraluni unerartitsippat nalunaaruteqarpalluunniit.

Akileraarutit A-t, sulisoqarnermut akitsuutit, ernialiussat aamma akiligassiissutit akilerneqanngippata, akiitsut Akileraartarnermut Aqutsisoqarfimmiit akilersinniarneqalissapput. Tamanna pigisanik

arsaarinninnikkut imaluunniit akissarsiasat, aningaasat namminersortutut pissaasa, tunisinermi aningaasarsiasat il.il. ilaannik unerartitsinikkut pisinnaavoq.

## **5. Akissarsiat allagartaat ukiumoortut aamma akissarsiarititanut nalunaarut ukiumoortoq**

Sulisitsisup ukiut tamaasa januarip qaammataata naannginnerani Sulisitsisut Nalunaarsorsimaffiannut ukiumi qaangiuttumi akissarsiarititat aamma akileraarutit A-t unerartinneqarsimasut paasisutissiisutigissavai. Matumanilu feeriarnermi ajunngitsorsiasat taakkulu A-nik akileraarutitaat ilanngullugit.

Sulisitsisoq 20-nit amerlanerusunik sulisoqarpat akissarsiarititat pillugit elektroniskiusumik NALUNAARTOQASSAAQ. Sulisitsisut 20-it ataallugit sulisoqartut elektroniskiusumik nalunaaruteqarnissamut periarfissallit aamma taamaaliornissamut akileraaruseriffimmit peqquneqarsinnaapput. Ukiup ingerlanerani sulisut ataasiakkaat akissarsiasa allagartaat ukiumoortut (A11) pillugit nalunaarutit nassuiaatit sukumiisut pineqartarnerat assigalugu periarfissat marluk arlaat atorlugu nalunaarutigineqarsinnaapput. Pappiaqqatigut imaluunniit elektroniskiusumik. Iltersuut kiisalu immersugassat uani takuneqarsinnaapput: <https://sulinal.nanoq.gl>

*Akissarsiat allagartaat ukiumoortut (A11)*

*Akissarsiat allagartaat imatut imaqassaaq:*

- Akissarsiat allagartaat aningaasarsianik A-nik akissarsiaritinneqartunik tamanik
- Aningaasarsiat B-t
- Nalunaarutigineqassaaq akeqanngitsumik ajunngitsorsiaqarneraq
- Sulisitsisup akiligaanit utoqqalinissamut- imaluunniit inuunermut sillimmatit aningaasartaat, nunani allani utoqqalinissamut tapiissutit

~~tamakkisumik ilaannakortumil luunniit akeqanngitsumik ajunngitsorsiat, soorlu nerisaqarlunilu ineqarneq, akeqanngitsumik illo qarneq, najugaqarneq, angalanerit, biileqarneq, telefoneqarneq il.il. Aammattaaq sulisitsisup pisis-saaffigaa kisitsisit nalunaarutigineqartut pillugit aningaasarsiorlumut (akissarsiorlumut) ilisimatit-sinissaaq.~~

*Akissarsiarititanut nalunaarut ukiumoortoq (A10)*

Sulisitsisup aammattaaq nassiatissavaa akissarsiarititanut nalunaarut ukiumoortoq (A10), akissarsiarititat il.il. tamarmik katinnerannik imaqartoq. Sulisitsisut ukiumik kipungasumik naatsorsuusiorfillit qaammatisiutit malillugit isertitat ukiumut naatsorsuusiorfimmuut agguataarlugit nalunaarutigissavaat.

Akissarsiarititanut nalunaarummi ukiumoortumi aningaasarsiat A-t aamma akileraarutit A-t katinneri akissarsiat allagartaasa ukiumoortut ukiullu ingerlanerani nassuiaatit sukumiisut kisitsisitaasa katinnerinut nikingassanngillat.

Suliffeqarfik unippat paasissutissat pineqartut assingi kingusinnerpaamik kingullermik akissarsisitsinermit ullut qangiunnerini tunniunneqassapput.

Aningaasarsianik qulaani taagorneqartunik akissarsiortoq Kalaallit Nunaannut akileraartussaajunnaarpat paasissutissiisussaataq qinnuigineqaruni paasissutissiisussaavoq qaammatsiutit malillugit ukiup aallartinneraniit akileraartussaajunnaarnerup tungaanut pineqartoq qanoq amerlatigisunik isertitaqarsimanersoq kiisalu akileraarutit A-t qanoq amerlatigisut unerartinneqarsimanersut.

Paasissutissat assingi aamma qinnuteqartoqarneratigut pineqartumut imaluunniit pineqartup sinniisaanut, toqusulluunniit pigisaanut tunniunneqassapput.

## **6. Aningaasarsiat A-t, akileraarutit A-t aamma sulisoqarnermut akitsuutit pillugit naatsorsuutit**

Sulisitsisoq pisussaavoq aningaasarsiat A-t akissarsiaritinneqartut aamma akileraarutit A-t unerartinneqartut pillugit naatsorsuuteqarnissamut.

Akissarsiarititanut naatsorsuusiorfiit bilagitaat ilanngullugit ukiup naatsorsuusiorfiup pineqartup naanerata kingorna ukiuni tallimani toqqortarineqassapput.

## **7. Sulisitsisut Nalunaarsorsimaffiannut nalunaarneq**

Kalaallit Nunaanni sulisitsisut tamarmik Inuussutissarsiummik Ingerlataqartunik Nalunaarsuiffimmi II-imi nalunaarsortissimassapput kiisalu IIN-normussaminnik tunineqartussaallutik. IIN-imi nalunaarsortinniarnermi immersugaq kiisalu apeqquteqaataasinnaasut uunga nassiunneqassapput: [cvr@nanoq.gl](mailto:cvr@nanoq.gl) imaluunniit Sulisitsisut Nalunaarsorsimaffiannut, oqaarasuaat 346081-imut sianerikkut saaffiginnittoqarsinnaalluni.

Namminersorluni inuussutissarsiuteqartoq kiisalu sulisuminut akissarsitsisaruni aammattaaq Akileraartarnermut Aqutsisoqarfimmi Sulisitsisut Nalunaarsorsimaffianni nalunaarsortittussaapput [sulinal@nanoq.gl](mailto:sulinal@nanoq.gl)-imut allagaqarnikkut imaluunniit oqarasuaat +299 346081-imut sianerluni saaffiginnikkut.

Sulisitsisut Nalunaarsorsimaffiat tassaavoq sulisitsisup akileraarutini ilanngaasarneq pillugu apequtiniq tamanik saaffigisassaa. Sulisitsisut Nalunaarsorsimaffiat aamma taassaavoq sulisitsisut ilit-sersuummi matumani maleruagassanik malinninnerinik nakkutilliisussaq.

Sulisitsisut Nalunaarsorsimaffiannut ilannguttoqartarpoq immersugassap immersorneqarneratigut. Immersugassaq uani aaneqarsinnaavoq: [www.aka.gl/immersuiffissat](http://www.aka.gl/immersuiffissat). Taanna Sulisitsisut Nalunaarsorsimaffiannut tunniunneqassaaq imaluunniit nassiunneqassaaq kingusinnerpaamik aningaasarsitseqqaarnermiit ullut 10-t qangiunnerini. Tamanna aamma atuuppoq akissarsisitsinermi akileraarutit A-t "0"-iugaluarpataluunniit (nul).

Sulisitsisut Nalunaarsorsimaffiannut nalunaarnissaq pingaartuuvoq. Taamaaliunngikkaanni akiliisitaasoqarsinnaavoq.

Sulisitsisut Nalunaarsorsimaffiannut nalunaaruteqarnerup kingorna Sulisitsisut Nalunaarsorsimaffianniit *sulisitsisup normussaa, taannalu cvr-normoq assigivaa*, sulisitsisumut nalunaarutigineqassaaq. Cvr normoq akileraarutinik ilanngaasarneq pillugu saaffiginninnerit tamatigut oqaatigineqartassaaq.

Suliffeqarfik unippat tamanna kingusinnerpaamik akissarsisitsinermiit kingullermiit (imaluunniit feeriarnermi ajunngitsorsiassat naatsorneqarneriniit) ullut 10-t qaangiunnerini Sulisitsisut Nalunaarsorsimaffiannut nalunaarutigineqassaaq. Aammattaaq sulisitsisup najukkami allanngornera imaluunniit suliffeqarfimmik piginnittuunermut tunngasut allannguutaat Sulisitsisut Nalunaarsorsimaffiannut nalunaarutigissavai.

## **8. Sulisitsisunik nakkutillineq**

Aningaasarsianit akileraarutit pillugit Inatsisartut inatsisaat malillugu sulisitsisut isumagisassaminik nammassinninnissaat qularnaarumallugu Sulisitsisut Nalunaarsorsimaffianni sulisut "sulisitsisunik nakkutilliinermik" suliaqarsinnaapput. Tamanna pisinnaavoq sulisitsisup suliffeqarfiutaanut ornigunnikkut. Naatsorsuutit bilagitaat ilanngullugit Akileraartarnermut Aqutsisoqarfimmut aamma nassuteqquneqarsinnaapput.

Sulisitsisunik nakkutilliinermi naatsorsuutit tamaasa misissorneqarsinnaapput. Skattekortit uppernarsaatillu allat nakkutilliinermut pingaaruteqartut saqqummiunneqarnissaat piumasarineqarsinnaavoq.

Naatsorsuutinik misissuineri aningaasarsiat naatsorsuutaasa bilagitaasalu misissorneqarnerisa sariatigut aammattaaq sulisitsisup naatsorsuutaasa sinneri misissorneqarsinnaapput.

Misissuiartorsinnaaneq, uppernarsaatinik saqqummiusseqqusineq aammalu naatsorsuutinik bilagitaannillu nassiusseqqusineq ullormut akiliisitsisarnikkut pinngitsaaliissutigineqarsinnaapput. Paasissutissat nakkutilliilluni misissuineri atugassat aamma aningaasarsiortunit pissarsiariniarneqarsinnaapput.

Pingaartumik sulisitsisunut nutaanut kaammattuutigineqassaaq nalornissutit sapinngisamik piaartumik Sulisitsisut Nalunaarsorsimaffiannut paasiniarneqartarnissaat - saaffiginninnikkut imaluunniit sulisitsisunik nakkutilliisunit pulaarneqarnissamik qinnuteqarnikkut.

## **9. Sulisitsisup akisussaaffia, akiliinissamut akisussaatitaanera aamma pillarneqarsinnaanera**

*Sulisitsisup akisussaaffia aamma akiliinissamut akisussaatitaanera*

Unerartitsisussaatitaq taassumaluunniit piginnaatitaa akileraarutit A-t akilernerneqarnissaannut akisussaatitaapput.

Suliffeqarfik arlariinnik piginneqatigineqarpat sulisitsisutut ataatsitut nalunaarsorneqarsimassaaq (interessenskabit assigisaalluunniit) akiliinissamullu assigiimmik akisussaaqatigiipput.

Akiliinissamut akisussaatitap aammattaaq nassuiaatit eqqortumik immersorneqarnissaat piffissari-tinneqartorlu eqqorlugu nassiunneqarnissaat akisussaafigai.

Aningaasarsianit akileraarutit pillugit Inatsisartut inatsisaat naapertorlugu akileraarutininik A-nik unerartitsisussaanerminik naammassinninngitsaq, imaluunniit minnaaraluni akileraarutininik ilanngaa-soq, minnaarutigineqartut akilerneqarnissaannut akisussaatinneqassaaq, suliassaminik sumiginnaa-simanginnini qularnaallisarsinnaanngikkuniuk.

Nassuiaatinik sukumiisunik amigaateqarnerup imaluunniit amigartunik naatsorsuuteqarnerup kingu-nerisaanik sulisitsisumut akiliutigeqqusat eqquissumik naatsorsorneqarsinnaanngippata sulisitsi-sunik nakkutilliisut akileraarutit A-t akilerneqartussat missingersorlugit amerlassusilerallarsinnaa-vaat Akileraartarnermut Inatsit § 93 imm. 3 malillugu.

### ***Pinerluttulerinermut Inatsit malillugu akisussaaq (pillaat)***

Aningaasarsianit akileraartarnermut inatsit naapertorlugu sulisitsisoq akiliisitaanermik allatulluun-niit pineqaatissinneqarnermik pillarneqarsinnaavoq, taanna piaaraluni mianersuaalliorujussuarluni-luunniit

- akileraarutininik A-nik unerartitsinngippat imaluunniit minnaarlugit unerartitsippat,
- akileraarutit A-t unerartitat piffissaliunneqartoq eqqorlugu akilerneq ajorpagit,
- nassuiaat sukumiisooq piffissaliunneqartoq eqqorlugu nassiunneq ajorpagu,
- nassuiaammi sukumiisumi eqqunngitsunik paasissutissiippat

Taamatuttaaqaq maleruagassanik allanik ilitersuummi matumani taagorneqartunik unioqqutitsineq akiliisitsinikkut pillarneqarnermik kinguneqarsinnaavoq.

## **10. Sulisunut akeqanngitsumik ajunngitsorsianik isertitatut B-niit allanngineq isertitatut A-tut**

Inatsisartut isummerput isertitat arlallit siusinnerusukkut isertitatut B-tut nalunaarutigineqartartut 1. januar 2023 aallarnerfigalugu isertitatut A-tut nalunaarutigineqartalissasut, Inatsisartut Inatsiaat nr. 11. 1. December 2021-meersoq najoqqutaralugu. Akeqanngitsunik ajunngitsorsiat ukuusinnaapput:

- Akeqanngitsumik biileqartitaaneq
- Akeqanngitsumik inisimasuuneq
- Akeqanngitsumik nerisaqarneq
- Akeqanngitsumik najugaqartitaaneq (ineqavissoq imaluunniit ineqarallartitaq)
- Akeqanngitsumik nioqqutissanik atuineq

- Akeqanngitsumik angalanerit
- Akeqanngitsumik najugaqarneq
- Nammineq nioqquataatinik atuineq (iffiortut, kolonial-imi, savaatillit, tuttuutillit aamma neqaarniarloq)
- Akeqanngitsumik qamutiniq motoorilinnik atugaqartitaaneq, Kalaallit Nunaata avataani inissisimasunut
- Akeqanngitsumik oqarasuaateqarneq
- Akeqanngitsumik internet-eqarneq
- Akeqanngitsumik angalaneq

Akeqanngitsumik atugassarititat nalingi Akileraartarnermut Inatsisip §§ 19-19 c-mi takuneqarsinnaapput, allallu Akileraartarnermut Aqutsisoqarfiup ilitersuutaanni ukiut tamaasa nalunaarutigineqartartuni takuneqarsinnaapput.

Akeqanngitsumik angalaneq aatsaat akileraaruserneqartarpoq, inuk pineqartoq akeqanngitsumik sulisitsisimiit angalatitaasunut ukiumi aningaasarsiorfiusumi, ataaseq sinnersimappugu, taava aappaa akileraaruteqaataasussaangilaq. Imaluunniit akeqanngitsumik angalanissamut aningaasartaa killigitinneqartoq sipporneqarsimappat. Aapparisaq aamma akeqanngitsumik angalanissamut ukiumi pineqartumi, taava inup aappaata akeqanngitsumik angalanera akileraaruteqaataasaaq. Takuuk Akileraartarnermut Aqutsisoqarfiup ”Akeqanngitsumik angalanissamut akileraarusigassanut ilitersuut” ugguuna iserluni <https://aka.gl/emner/borger/skat/vejledning>

Ajunngitsorsianik angissusiliinermik nalunaarusiortarnerit Akileraartarnermut Aqutsisoqarfiup nittartagaani uani takusineqarsinnaapput <https://aka.gl/emner/borger/meddelelser>

### **Piginneqataasunut atukkiussineq (aktiaatilik)**

Akileraartarnermut inatsit § 16 a. malillugu, qulakkeerneqassaaq suliffeqarfiup aningaasaliisua nalinginnaasut najoqqutaralugu atukkiussineq suliarineqarsimanersoq.pimannak:

Selskabi imaaliorsimappat il.il

- Aningaasaliinerit
- Atukkiussinerit imaluunniit
- Inummut qularnaveeqqusiisimappat

Atukkap akileraartarnermut inatsit nalinginnaasumik malillugu utertinnissaanut suliarineqassapput, § 86, imm. 3 aktiaatilik/piginneqataasoq imaluunniit aapparisanilu, angajoqqaani, aanaakkuni, meeqqani, ernguttani aamma assigisaanik aappaat minnerpaamik 25%-mik selskab-ip kapitalianiit pigisaqarpat ukiuni kingullerni tallimat iluani pisussaaffigaa utertissallugit.

Selskab-ip aningaasat annertussusaat isertitatut A-tut aammalu akileraarutitassai nalunaarutigissavai Akileraartarnermut Aqutsisoqarfimmut. Selskab-imiit piffissami aningaasat tiguneqarnerata nalaaniit nalunaarutigineqassapput. Soorlu aningaasat tiguneqarsimapput maj qaammat 2021-imi, taava taakkua nalunaarutigineqassapput maj qaammat 2021-imut.

Assersuut:

Aktiaatilik 100.000 koruuninik imminut nuussisimappat, imaluunniit selskab-i aktiaatilimmut biilisisimaguni. Aningaasat tiguneqartut akileraaruseriikkatut isigineqassapput. Akileraarummut procenti aktiaatilik Sisimiuni najugaqarsimappat akileraarut 42%-miissaaq.

Naatsorsuineq imatut inernejassaaq:

Aningaasat tigusat assigivaa akileraarutit peereerlugit 58%-ia. Isertitatut A-tut 172.413 koruuniussapput (100.000/58%).

Selskab-ip nalunaarutigissavai isertitatut A-tut 172.413 koruunit aamma Akileraarutit unerartissavai 72.413 koruunit.

## **11. Nuna allamiit sulisunik attartorneq**

Sulisunik attartortitsineq Aningaasarsianit akileraarutit pillugit inatsimmi § 76, imm. 4-mi sulisunik attartortitsisarnermut atuuppoq inummut, suliffeqarfimmit nunami maani angerlarsimaffeqanngitsumit nunami maani sulisussatut atukkiunneqarsimasumut akissarsianik tunniussinermi unerartitsisussaataaneq suliamik sullinneqartup isumagisassaraa.

Tamannali taamaallaat atuuppoq suliaq suliffeqarfiup nunami maani ingerlataata ilagippagu. Tassa imaappoq sulisitsisoq nunaqavissoq ilaatigut:

- inummut ilitsersuussinissamut pisinnaatitaaffeqassaaq
- sulinermik nakkutilliissaaq
- ingerlatat akilerlugillu akisussaaffigalugit

Paasineqarpat ilaatigut qulaani allassimasut naammassineqartut akileraartarnikkut isigalugu kalaallit nunaanni suliffeqarfik il.il. piviusumik sulisitsisutut isigineqassaaq taamaalillunilu uninngatitsinisamut pisussaaffeqarluni.

## **Ilanngussaq 1. Naatsorsuinissamut assersuutit**

### **1. Akileraarusigassat qummut amnullu akunnaallineqartarnerinut maleruagassat.**

Akileraarutit naatsorsunnginneranni kisitsinissamut pisariillisaatit akileraarusigassat kr.-inut ilivitsunut naatsorsorneqartartut, kisitsimmut qaninnermut 10-mik agguarneqarsinnaasumut *ammut akunnaallineqarsinnaapput.*

Taava akileraarutissat A-t naatsorsorneqareerunik kr.-inut ilivitsunut qa-ninnernut *qummut akunnaallineqassapput.*

Aningaasarsiat A-t tamarmiusut .....	5.000 kr.
- hovedkortimi sap.ak. ilanngaattissat, assersuutigalugu .....	<u>1.115 kr.</u>
Akileraarusigassat ammut akunnaallineqanngitsut .....	3.885 kr.
<b>Koruuninut ilivitsunut 10-mik agguarneqarsinnaasunut qaninnernut ammut akunnaallineqassapput .....</b>	<b>3.880 kr.</b>
Akileraarutit A-t 42%-it naatsorsukkat .....	1.629,60 kr.
<b>Taakku koruuninut ilivitsunut qaninnernut qummut akunnaallineqassapput .....</b>	<b>1.630 kr.</b>

### **2. Akileraarutissat naatsorsorneqarneri.**

#### **A. Hovedkorti - aningaasarsiat A-t hovedkorti malillugu ilanngaattissanit anginerupput.**

Aningaasarsior tup hovedkortini tunniussimappagu akileraarusigassat imaapput: 2023-mut nalit atuuttut malillugit:

Aningaasarsiat A-t tamarmiusut .....	5.000 kr.
Akeqanngitsumik biileqartitaaneq (2023-imut naligititaq (aqquserngit 75.000 m <sup>2</sup> -mik sinneqarsimappat)) ullormut 196,20 x ullut 7-it.....	1.373,40 kr. 115,08 kr.
Akeqanngitsumik oqarasuaateqartitaaneq (ullormut 16,44 x ullut 7-it).	
- hovedkortimi sap.ak. ilanngaattissat .....	<u>1.115 kr.</u>
Akileraarusigassat ammut akunnaallineqannginnerini .....	<u>5.373,48 kr.</u>
taakku koruuninut ilivitsunut qaninnernut "0"-imik naggaserlugit ammut akunnaallineqassapput. Tassa ammut akunnaalleereerner mi akileraarusigassat tassaapput .....	5.370 kr.
Akileraarutit A-t taakkunanga naatsorsorneqassapput. Hovedkortimi procenti akileraarutissaq 42%-iuppat akileraarutit A-t tassaapput .....	2.255,40 kr.
øriinnaallu amerlassusaat apeqqutaatinnagu koruuninut ilivitsunut qaninnernut qummut akunnaallineqassapput .....	<u>2.255 kr.</u>

Tassa assersuummi qulaaniittumi allassimasutut akileraarutit A-t tassaapput 2.255 kr.



**B. Hovedkorti - aningaasarsiat A-t hovedkorti malillugu ilanngaatisanit mikinerupput.**

Hovedkortimi sap.ak. ilanngaatisat sap.ak. akissarsianit angineruppata imaassaaq:

Aningaasarsiat A-t tamarmiusut .....	1.000 kr.
- hovedkortimi sap.ak. ilanngaatisat .....	<u>1.115 kr.</u>
Akilerarusigassat	<u>0 kr.</u>

Tassa akileraarutit A-t "0"-iupput.

**C. Bikorti**

Aningaasarsior tup bikorti takutissimappagu akilerarusigassat tassaassapput = aningaasarsiat A-t ilanngaasernagit, taamaattorli koruuninut ilivitsunut 10-mik agguarneqarsinnaasunut qaninnernut ammut akunnaallillugit.

**D. Frikorti**

Aningaasarsior tup frikorti tunniussimappagu, frikortip saqqaani "akileraarutininik ilanngarnagit aningaasarsiarineqarsinnaasut annerpaaffissaat" ukiumi aningaasarsiorfiusumi aningaasarsior tup aningaasarsiaanit A-nit nallerneqartinnagit akileraarutininik ilanngaasoqassanngilaq.

Soorlu frikorti 58.000 kr.-inik annerpaaffissaqarpat, taava taakku 58.000 kr.-nit angutinnagit aningaasarsiat A-t akileraarusernagit tunniunneqartassapput. Tamatuma kingorna procenti akileraarutissaq ator neqalissaq.

Frikortimi aningaasarsiat akileraarusernagit annerpaaffissaat .....	58.000 kr.
Skattekortip tunuani allasimasat malillugit aningaasarsior tup allanik sulisitsisoqarluni A-nik aningaasarsiarisimavai katillugit .....	54.000 kr.
"Aningaasat akilerarusigassaannngitsut" sinnerupput .....	4.000 kr.
Tullianik aningaasarsinissami aningaasarsior tup A-nik aningaasarsiasai tamarmiusut 6.000 koruuniupput, taamaattumik frikortimi sinneruttunik ilanngarneqassapput .....	4.000 kr.
Frikortimi sinnerupput .....	0 kr.
Akilerarusigassanngorput .....	2.000 kr.
Frikorti malillugu procenti akileraarutissaq 42% .....	840 kr.

**Tassa aningaasarsior tup kingullermik akissarsinermini tigusassai tassaapput kr. 6.000 - kr. 840 = 5.160 kr.**

**E. Skattekorti amigaataappat.**

Aningaasarsior tup skattekortini tunniussimanngippagu akileraarusigassat tassaassapput = aningaasarsiat A-t tamarmiusut koruuninut ilivitsunut 10-mik agguarneqarsinnaasunut qaninnernut ammut akunnaallisat. Akileraarutit A-t 45%-inik ilanngarneqassapput.

Aningaasarsiat A-t	3.455 kr.
Ammut akunnaallillugit	3.450 kr.
Akileraarutit A-t 45%-it	1.552,50 kr.
Taakkulu koruuninut ilivitsunut qaninnernut qummut akunnaallineqassapput .....	1.553 kr.

### 3. Feeriarnermi ajunngitsorsiat feeriarnersiutillu akileraarutitassaannik naatsorsuineq.

#### A. Akissarsiaqarani feeriarneq - ukiup ilaani sulisimasoq

Feeriarnermi ajunngitsorsiat ullormi 31.12.-imi ukiumi isertitaqarfiusumi akissarsiat minnerpaamik 12%-iisut naatsorsorneqassapput (tak. feeriarnermut inatsit).

Piffissaq suliffiusimasoq tassaavoq sap.ak. ilivitsut 21-t + sap.ak. affat marluk. Hovedkorti malillugu ullormut ilanngaattissaq .....	159 kr.
Feeriarnermi ajunngitsorsiat tamarmiusut .....	10.153,84 kr.
Sap.ak. ataatsimut ullormut ilanngaatt 0,7 (21 x 0,7 x 159 kr.) .....	<u>2.337,30 kr.</u>
Akileraarusigassat	7.816,54 kr.
Ammut akunnaallillugit .....	7.810 kr.
Akileraarutit A-t 42%-it (koruuninut ilivitsunut qaninnernut qummut akunnaallillugit) .....	3.281 kr.

Feeriarnermi ajunngitsorsiasat feeriarnermut allagartamik (allatulluunniit naatsorsorneqarfiannik) tunniussinikkut pisassarilersinneqassapput .....	10.153,84 kr.
- akileraarutit A-t .....	<u>3.281,00 kr.</u>
Ukiumi feeriarfissami tunniunneqartussat	<u>6.872,84 kr.</u>

#### - ukioq isertitaqarfiusoq tamaat sulisimasoq

Feeriarnermi ajunngitsorsiat ullormi 31.12.-imi ukiumi isertitaqarfiusumi akissarsiat minnerpaamik 12%-iisut naatsorsorneqassapput (tak. feeriarnermut inatsit).

Piffissaq suliffiusimasoq: Ukioq tamaat sulisimavoq. Feeriarnermi ajunngitsorsiasat tamarmiusut .....	30.000 kr.
Akileraarutit naatsorsorneqassapput:	
Hovedkorti malillugu sap.ak. ilanngaattissat 5 (tallimat) .....	<u>5.575 kr.</u>
Akileraarusigassat	24.425 kr.
Ammut akunnaallillugit .....	24.420 kr.
Akileraarutit A-t 42%-it .....	<u>10.256,40 kr.</u>

Taaku koruuninut ilivitsunut qaninnernut qummut akunnaallineqassapput **10.257** koruuninut.

Feeriarnermi ajunngitsorsiassat feeriarnermut allagartamik (allatulluunniit naatsorsorneqarfiannik) tunniussinikkut pisassarilersinneqassapput .....	30.000 kr.
- akileraarutit A-t .....	<u>10.257 kr.</u>
Ukiumi feeriarfissami tunniunneqartussat	<u>19.743 kr.</u>

### ***B. Akissarsiaqarluni feeriarneq***

- qaammammut akissarsialik, akissarsiaqarluni feeriarsinnaatitaaffilik soraarpoq 1/4.

Feeriarnermi ajunngitsorsiassat sulisitsisup imatut naatsorsussavai:

1. Ukiumi qaangiuttumi akissarsiat 12%-ii	28.800 kr.
2. Ukiumi soraarfimmi piffissami 1.1.-31.3 akissarsiat 12%-ii	<u>7.200 kr.</u>
	36.000 kr.

Akileraarutit naatsorsorneqassapput:

Akileraarutit A-t 42% feeriarnermi ajunngitsorsiassanit	15.120 kr.
---	------------

**EQQAAMALLUGU:** Aningaasarsiortut akissarsiaqarlutik feeriartartut soraarnerinut atatillugu feeriarnermi ajunngitsorsiassaannik naatsorsuineri hovedkorti malillugu ilanngaasiisoqartussaangimmat.

**MALUGALUGU:** Naatsorsuineri ukiut isertitaqarfiusut marluk pineqaraluartut, akileraarutini A-nik naatsorsuineri ukiumi soraarfimmi skattekorti malinneqassaaq. Feeriarnermi ajunngitsorsiassat tamarmiusut ukiumi soraarfimmi akileraaruserneqassapput.

Feeriarnermi ajunngitsorsiassat feeriarnermut allagartamik marlunnik (allatulluunniit naatsorsorneqarfiannik) tunniussinikkut pisassarilersinneqassapput:

1. Ukiup soraarfiup siuliani isertitat pillugit:

Feeriarnermi ajunngitsorsiassat pisassat	28.800 kr.
- akileraarutit A-t	<u>12.096 kr.</u>
Ukiumi soraarfimmi (feerialermeri) tunniunneqartussat	<u>16.704 kr.</u>

2. Ukiumi soraarfimmi isertitat pillugit:

Feeriarnermi ajunngitsorsiassat pisassat	7.200 kr.
- akileraarutit A-t	<u>3.024 kr.</u>
Ukiumi tullermi feeriarfissami (feerialermeri) tunniunneqartussat	<u>4.176 kr.</u>

## Ilangussaq 2. Nassuiaatip sukumiisup A1-ip immersornissaannut assersuut

### BILAG 2. EKSEMPEL PÅ UDFYLDT REDEGØRELSE A1

Nassuiaat Akileraartarmut Aqutsisoqarimmut Kingusinnerpaamik qaammiip unerarfilavup tullani qaammiip uluisa 10-ni nassinneqassaaq.

A1

Redegørelsen indsendes til Skattemyndelsen senest den 10. af den efter frekvarmningen følgende måned.

### Nassuiaat sukumiisooq Specificeret redegørelse

1 Akileraartarmut Aqutsisoqarfik Skattemyndelsen Postboks 1605 3900 Nuuk Oqarasuaat/wf. nr.: +299 34 60 81 Fax: +299 34 65 77 E-mail: sulinal@nanuq.gl - www.aka.gl https://sulinal.nanuq.gl - (web indberetning)		2 CVR-nomur, aqqa najassu CVR-nummer, navn og adresse 21895719 Pequsiortoq/Møbelsnedker Enok Hansen Tuttut Aqq. 60 Postboks 2781 3955 Kangaatsiaq			
3 Qqarsaq (aatit naqqull) Demninger (elek. red.)		4 Qaammi unerarfilav ukorta Tæknolog og -år <b>April 2022</b>			
5 Akileraartarmut aqqa Indkomstilreguleringens navn		6 Inuup nomur Pasportnummar	7 Kommup akileraart- up nomur Skatte- kommune nr.		
8 Akingaarsart A-1 akileraartfilav ilangasitinnagut (konuunnaat) Brutto A-indkom- er (skattitrek kun hele kr.)		9 Nunani allani samaqqussarfi- sarsallut aq- qussusisimut akileraartfilav ilangasitinnagut skuttut (konuunnaat) Brutto udendørs personbetjening for skattitrek (kun hele kr.)	10 Akileraart uujjinnasart akileraart A-1 unerarfilav (konuunnaat) Traktat A-skat fra udendørs betjening (kun hele kr.)		
11 Nunani allani samaqqussarfi- sarsallut aq- qussusisimut akileraart A-1 unerarfilav (konuunnaat) Traktat A-skat vedrørende udendørs personbetjening (kun hele kr.)		12 Kattitup fal 55.883	13 5.850	14 14.640	15 2.457
Uppemarsaqarpoq qaammammi qubani pine- qalumi unngussarfi A-1 sammut akileraart- filav A-1 sammut sammut sulisoqarimmut akil- eraart nassuunnamut ilangunneqamata.		Kryds- tilfissaq Stat X <input checked="" type="checkbox"/>	Kattitup fal (12+13) <b>61.733</b>	(14+15) <b>17.097</b>	16 Subsoqarimmut ukorta Aqutsisoqarimmut <b>679</b>
Def. adstætters, at redegørelsen omfatter al A ind- kommet, der er udbetalt og al A skat, der er trukket samt arbejdsmarkedstilgæld i den ovenfor anførte frekvarmning.		Nassuunngussarfi nassuunngussarfi kingusinnerpaamik nassuunngussarfi (inukku akileraartfilav unngussarfi 500 sammut sammut (1000) kassu emat qaammammi akileraartfilav nassuunngussarfi (qaammammi qaammiip unerarfilav tullani) nassuunngussarfi Manglinge indsendelse medfører skatteansættelse (gebyr min. kr. 500 max kr. 1000) og rente beregnet fra den 1. i frekvarmningen (måneden efter indholdelsesmåneden)		17 Akileraart fal til betaling <b>17.776</b>	
Najassuq Stat Kangaatsiaq	Ulloq Dato <b>10/5-2022</b>	Akileraart Underskrift 			